



Innkalling av Alver kommunestyre

Møtedato: 24.02.2022
Møtestad: Helsehuset, møterom Nordhordland
Møtetid: 12:00 -

Eventuelle forfall må meldast til <https://www.alver.kommune.no/innhald/politikk-og-hoyringar/politikk/melde-forfall-til-politiske-mote/>

Varamedlemmer møter berre etter nærare avtale.

Sakliste

Saknr	Tittel
001/22	Godkjenning av innkalling og sakliste
002/22	Godkjenning av møteprotokoll
003/22	Melding/orientering frå kontrollutvalet
004/22	Rapport frå eigarskapskontroll: Generell eigarstyring
005/22	Årsmelding 2021 - Alver kontrollutval
006/22	Årsmelding - Rådet for menneske med nedsett funksjonsevne (RMNF) i Alver
007/22	Årsmelding for Eldrerådet i Alver 2021
008/22	Avtale med Austrheim kommune, levering av drikkevatt og reservevassforsyning.
009/22	Vertskommunesamarbeid barnevernsvakt. Godkjenning av avtale med Gulen kommune.
010/22	Retningsline for gjennomføring av barnehageopptak i Alver kommune
011/22	Frådeling av grunn til privat naust frå gbnr 310/3
012/22	Ny lokal forskrift om jakt og fastsetting av minsteareal som grunnlag for tildeling av fellingsløyve på hjort i Alver kommune
013/22	Flytting av budsjettmidlar (investering) fra 2021 til 2022
014/22	Gebyr og betalingssatsar for 2022 - endring i forskrift vedtatt 16.12.2021
015/22	Sjølvkostgrunnlag - gebyr plansaker
016/22	Godkjenning av prosjektmandat Ostereidet kunstgras
017/22	Framlegg til investeringsprosjekt - Rehabilitering av tak - Manger - Solhall, søndre del
018/22	Reglement for styring av investeringsprosjekt
019/22	Miljøløftet - Ny strategi for innfartsparkering
020/22	Miljøløftet – prosjekt til handlingsprogrammet 2023 - 2026
021/22	Innkjøpsstrategi Alver kommune
022/22	Avtale mellom Alver kommune og Equinor Refining DA
023/22	Tittel på øvste administrative leiar i Alver kommune

024/22	Søknad om fritak som meddommar i tingretten
025/22	Søknad om fritak som meddommar i tingretten u.off.
026/22	Søknad om permisjon frå politiske verv u.off.
027/22	Søknad om fritak frå politiske verv u.off.
028/22	Fritak frå politiske verv i Alver kommune/nyval
029/22	Melding/orientering til kommunestyret 24.02.2022
030/22	Spørsmål/interpellasjonar 24.02.2022
031/22	Makebyte og leige - kai 4 u.off.

17. februar 2022

Sara Hamre Sekkingstad
ordfører

Tove-Mette Arnø Fyllingen
møtesekretær

Arkiv: <arkivID><jpID> FE-033
JournalpostID:
Sakshandsamar:
Dato: 17.02.2022

Saksframlegg

Saksnr.	Utval	Møtedato
001/22	Alver kommunestyre	24.02.2022

Godkjenning av innkalling og saksliste

Rådmannen sitt framlegg til vedtak:
Innkalling og saksliste vert godkjent.

Arkiv: <arkivID><jplD> FE-033
JournalpostID:
Sakshandsamar:
Dato: 25.01.2022

Saksframlegg

Saksnr.	Utval	Møtedato
002/22	Alver kommunestyre	24.02.2022

Godkjenning av møteprotokoll

Rådmannen sitt framlegg til vedtak:

Møteprotokollen vert godkjent.

Vedlegg i saken:

06.01.2022 Protokoll - Alver kommunestyre - 16.12.2021

1664036

Arkiv: <arkivID><jplD> FE-033, TI-&17
JournalpostID:
Sakshandsamar:
Dato: 05.01.2022

Saksframlegg

Saksnr.	Utval	Møtedato
003/22	Alver kommunestyre	24.02.2022

Melding/orientering frå kontrollutvalet

Kontrollutvalet sitt framlegg til vedtak:

Meldinga vert teke til orientering.

Politisk handsaming

Saka skal avgjerast i kommunestyret

Vedlegg i saken:

15.12.2021	2021 11 29 Protokoll Alver kontrollutval	1659375
15.12.2021	Interimsrapport 2021 Alver kommune	1659376
15.12.2021	2022 Møteplan - Alver kontrollutval	1659377
14.02.2022	2022 01 17 Protokoll møte i Alver kontrollutval	1679870

Arkiv: <arkivID><jplD> FE-033, TI-&17
JournalpostID:
Sakshandsamar:
Dato: 05.01.2022

Saksframlegg

Saksnr.	Utval	Møtedato
004/22	Alver kommunestyre	24.02.2022

Rapport frå eigarskapskontroll: Generell eigarstyring

Kontrollutvalet sitt framlegg til vedtak:

Kommunestyret sluttar seg til revisor sine tilrådingar og ber administrasjonen om å følgje opp tilrådingane og gje kontrollutvalet ei skriftleg status om oppfølging av tilrådingane innan 4. kvartal 2022.

Politisk handsaming

Saka skal avgjerast i kommunestyret

Vedlegg i saken:

14.02.2022 Eigarskapskontroll

1667785

Arkiv: <arkivID><jplID> FE-033, TI-&17
JournalpostID:
Sakshandsamar:
Dato: 25.01.2022

Saksframlegg

Saksnr.	Utval	Møtedato
005/22	Alver kommunestyre	24.02.2022

Årsmelding 2021 - Alver kontrollutval

Kontrollutvalet sitt framlegg til vedtak:

Kommunestyret tek årsmeldinga til orientering.

Politisk handsaming

Saka skal avgjerast i kommunestyret

Vedlegg i saken:

25.01.2022	Årsmelding 2021 - Alver kontrollutval	1679755
25.01.2022	17.01.2022 - Særutskrift sak 06/22-Alver kontrollutval	1679754

Arkiv: <arkivID><jplD>
JournalpostID:
Sakshandsamar:
Dato: 28.01.2022

Saksframlegg

Saksnr.	Utval	Møtedato
007/22	Råd for menneske med nedsett funksjonsevne	07.02.2022
006/22	Alver kommunestyre	24.02.2022

Årsmelding - Rådet for menneske med nedsett funksjonsevne (RMNF) i Alver

Rådmannen sitt framlegg til vedtak:

Årsmeldinga for RMNF for 2021 vert teke til orientering.

Råd for menneske med nedsett funksjonsevne 07.02.2022:

Handsaming:

Årsmeldinga med dei endrigane som kom fram i møtet, vart samrøystes godkjent.

RMNF- 007/22 innstilling:

Årsmeldinga for RMNF for 2021 vert teke til orientering.

Politisk handsaming

Saka skal til innstilling i råd for menneske med nedsett funksjonsevne

Saka skal til avgjerast i kommunestyret

Bakgrunn:

I følge politisk styringsstruktur og reglement for Alver skal RMNF kvart år leggja fram årsmelding til kommunestyret.

Saksopplysninger:

Det vert lagt fram årsmelding for råd for menneske med nedsett funksjonsevne for 2021, sjå vedlegg.

Vedlegg i saken:

28.01.2022 årsm_21_rmnf

1682230

Arkiv: <arkivID><jplD> FE-033, TI-&75
JournalpostID:
Sakshandsamar:
Dato: 28.01.2022

Saksframlegg

Saksnr.	Utval	Møtedato
005/22	Eldreråd	07.02.2022
007/22	Alver kommunestyre	24.02.2022

Årsmelding for Eldrerådet i Alver 2021

Rådmannen sitt framlegg til vedtak:

Årsmeldinga for Eldrerådet for 2021 vert teken til orientering.

Eldreråd 07.02.2022:

Handsaming:

Eldrerådet slutta seg samrøystes til rådmannen sitt framlegg til vedtak.

ER- 005/22 innstilling:

Årsmeldinga for Eldrerådet for 2021 vert teken til orientering.

Politisk handsaming

Saka skal til innstilling i eldrerådet.

Saka skal avgjerast i kommunestyret.

Bakgrunn

I følgje politisk styringsstruktur og reglement for Alver skal eldrerådet kvart år leggja fram årsmelding til kommunestyret.

Saksopplysningar

Det vert lagt fram årsmelding for eldrerådet for 2021 (sjå vedlegg).

Vedlegg i saken:

28.01.2022 Årsrapport frå ER 2021

1682239

Arkiv: <arkivID><jplID> FA-M10, TI-&01
JournalpostID:
Sakshandsamar:
Dato: 01.02.2022

Saksframlegg

Saksnr.	Utval	Møtedato
007/22	Alver formannskap	10.02.2022
008/22	Alver kommunestyre	24.02.2022

Avtale med Austrheim kommune, levering av drikkevatt og reservevassforsyning.

Rådmannen sitt framlegg til vedtak:

«Kommunestyret sluttar seg til avtale med Austrheim kommune for levering av drikkevatt og reservevassforsyning, jf avtalesforslag datert 27.01.2022. Rådmannen får fullmakt til oppfølging og signering etter politisk behandling i Austrheim kommune.»

Alver formannskap 10.02.2022:

Handsaming:

Tilleggsframlegg frå A.Hetlebakke-KRF:

Avtaleteksten skal vera omsett til nynorsk før signering.

Rådmannen sitt framlegg vart samrøystes vedteke.

Framlegg frå A.Hetlebakke vart samrøystes vedteke.

FO- 007/22 innstilling:

«Kommunestyret sluttar seg til avtale med Austrheim kommune for levering av drikkevatt og reservevassforsyning, jf avtalesforslag datert 27.01.2022. Rådmannen får fullmakt til oppfølging og signering etter politisk behandling i Austrheim kommune.»

Avtaleteksten skal vera omsett til nynorsk før signering.

Politisk handsaming

Saka skal til innstilling i formannskapet

Saka skal avgjerast i kommunestyret

Bakgrunn

Frå 1987 har Austrheim kommune hatt avtale om levering av drikkevatt frå Lindås kommune. No ønskjer Austrheim i tillegg ein avtale om reservevassforsyning, etter pålegg frå Mattilsynet. Rådmannen orienterte formannskapet om status for den gamle avtalen, mogeleg ny avtale og forsyningskapasitet mm i eit lukka møte 03.09.2020, der også prisvurdering var eit tema.

Formannskapet gav klarsignal til å gå vidare for å hjelpe Austrheim med reservevassforsyninga. Vidare å inngå ny avtale som også omfattar vassforsyninga i den gamle avtalen, og oppheve denne. Prisfastsettinga skal følgje sjølvkostprinsippet. Det betyr at Austrheim kommune betaler sin rettmessige del av dei reelle utgiftene til drift, vedlikehald og investeringar. Dette gjeld både sjølve vassproduksjonen og distribusjonsnettet.

Austrheim kommune meldte tilbake at utgangspunktet for ny avtale vart akseptert, etter politisk vurdering der.

Konsulentfirma Envidan Momentum fekk i oppdrag å sette opp kostnadsbiletet, basert på sjølvkostprinsippet. Envidan lagar sjølvkostoppstilling og etterkalkyle for Alver kommune frå før

og har alle relevante opplysningar om driftskostnader, vedlikehaldsbehov, aktuelle vassbehandlingsanlegg, distribusjonsnett og investeringsbehov.

Det er no utarbeida ein avtale og eit sjølvkostoppsett i samarbeid med Austrheim kommune. Det er administrativt semje i begge kommunane om å tilrå avtalen og kostnadsoppsettet, og avtalen er kvalitetssikra med Envidan i høve til sjølvkostoppsettet.

Vurdering

Forslag til avtale omfattar tema som avklarar formål, eigarskap til anlegg, ansvar for drift og vedlikehald, leveringsforpliktelsar, prisfastsetting, oppseiingstid og tvisteløysing m.a.

Oppseiingstida er ny i høve til den gamle avtalen. Rådmannen vurderer at 20 års varighet med 3 års oppseiingsfrist deretter er lite risikofyllt, for begge partane. Ingen av partane «tenen» på å seie opp avtalen, eller vidareføre den, så lenge sjølvkostprinsippet ligg til grunn. Eventuelle tvistar følgjer vanlege rettsreglar. Ei oppseiingstid på 20 år gjev partane eit handlingsrom i høve til behovet.

Rådmannen rår til at kommunestyret godkjenner avtalen og sjølvkostprinsippet. Når kommunestyret i Alver slutter seg til forslaget til avtale, går den til politisk behandling i Austrheim kommune før signering.

Vedlegg i saken:

03.02.2022	Austrheim. Tabell kostnader	1684479
03.02.2022	Utkast - Avtale reservevann Alver - Austrheim 141221	1684480

Arkiv: <arkivID><jplID> FA-F47, TI-&85
JournalpostID:
Sakshandsamar:
Dato: 13.01.2022

Saksframlegg

Saksnr.	Utval	Møtedato
018/22	Utval for oppvekst, kunnskap og kultur	08.02.2022
009/22	Alver kommunestyre	24.02.2022

Vertskommunesamarbeid barnevernsvakt. Godkjenning av avtale med Gulen kommune.

Rådmannen sitt framlegg til vedtak:

Alver kommune inngår vertskommunesamarbeid med Gulen kommune knytt til beredskap for barnevernsvakta. Alver kommune blir vertskommune for dette samarbeidet, i samsvar med utarbeidd samarbeidsavtale.

Utval for oppvekst, kunnskap og kultur 08.02.2022:

Handsaming:

Rådmannen sitt framlegg vart samrøystes vedteke.

OKK- 018/22 innstilling:

Alver kommune inngår vertskommunesamarbeid med Gulen kommune knytt til beredskap for barnevernsvakta. Alver kommune blir vertskommune for dette samarbeidet, i samsvar med utarbeidd samarbeidsavtale.

Politisk handsaming

Saka skal til innstilling i utval for oppvekst, kunnskap og kultur
Saka skal avgjerast i kommunestyret

Bakgrunn

Alle barn, uavhengig av kvar dei bur i landet, har krav på bistand i akutte krisesituasjonar. Kommunane må ha tilstrekkeleg beredskap slik at dei er tilgjengeleg utanom kontortid. Kommunar som ikkje er tilknytt ei barnevernsvaktordning må ha andre formar for akuttberedskap.

Barnevernsvakta er barnevernet si akuttberedskap på kveldstid, i helgar og på helligdagar. Hovudoppgåva er å hjelpe barn og familiar i krise som treng hjelp raskt.

Barneverntenesta for Gulen og Masfjorden har dei to siste åra kjøpt barnevernvakt-teneste frå Alver kommune dei to siste somrane. Etter førespurnad frå Gulen kommune har Gulen og Alver kommunar utarbeidd ein avtale om vertskommunesamarbeid kring barnevernsvaktordninga. I praksis betyr det at Alver kommune ved Alver barnevernteneste ivaretek lovpålagt beredskap for Barneverntenesta i Gulen og Masfjorden etter arbeidstid kvardagar og fram til neste dag, gjeldande i tidsrommet etter kl. 16.00 – 08.00 samt døgnvakt i helgar og heilagdagar, i samsvar med innhaldet i samarbeidsavtalen.

Gulen kommune er vertskommune for barnevernsamarbeidet mellom Gulen og Masfjorden kommunar. Avtalen vert difor formelt inngått mellom Gulen og Alver kommunar.

Samarbeidet er heimla som eit Administrativt vertskommunesamarbeid, jf. Kommuneleva § 20-2.

Avtalen trer i kraft så snart Alver kommune har vedtatt dette politisk.

Saka var til handsaming i kommunestyra i Gulen og Alver kommunar i desember 2021.

Kommunestyret i Gulen kommune fatta den 09.12.21 samrøystes vedtak i sak 098/21: Vertskommunesamarbeid barnevernvakt. Godkjenning av avtale med Alver kommune.

Kommunestyret i Alver kommune hadde saka til handsaming den 16.12.21 og vedtok då å utsetje saka, og ba rådmannen kome tilbake med ei fylldigare saksutgreiing før kommunestyret tar stilling til saka, herunder òg ei vurdering av konsekvensar dette får for ressursar og kapasitet.

Saksutgreiing

Tilsette i Alver barnevern er svært positive på at kommunen inngår ein avtale om vertskommunesamarbeid med Gulen kommune. Det å inngå i ei vaktordning for denne avtalen, er friviljug for dei tilsette. Det er venteliste med tilsette som ønskjer seg inn i ordninga. Dei tilsette i Alver barnevern vurderer dette arbeidet som ei spanande og svært motiverande arbeidsoppgåve.

Den samla belastninga for tilsette i Alver barnevern som deltek i ordninga, blir redusert ved at kommunen inngår denne ordninga. Dette fordi vaktlaget blir styrka med ein ekstra person, slik at dei tilsette skal ha vakt kvar 8. veke. I dag er det vakt kvar 7. veke. Dei tilsette behalde den same kompensasjonen for deltaking etter denne justeringa, som dei hadde tidlegare.

Utviding av vaktlaget frå sju til åtte personar er finansiert av den årelege summen Gulen kommune skal fakturerast for. For 2022 har Alver kommune berekna at kostnaden ved å utvide vaktlaget med ein person vil utgjere kr. 80.739. I tillegg kjem kostnader til administrasjon og samarbeid. Dette er i stor grad eit arbeid som tenesteleiar og avdelingsleiar samt merkantil ressurs er involvert i, og blir finansiert av den resterande summen av årskostnaden.

Pr. januar 2022 er det 54 tilsette i barnevernet i Alver kommune. Av dei er det 8 personar som er knytt til vaktordninga for beredskap barnevernsvakt. Tenesteleiar vurderer kontinuerleg om dei tilsette knytt til ordninga har behov for avlastning eller permisjon frå denne oppgåva. Gruppa har så langt vore stabil frå etableringa i byrjinga av 2019.

I prosessen med å utarbeide framlegg til samarbeidsavtale, vart saka drøfta både med tillitsvald og verneombod på arbeidsplassen. Dei er positive til at Alver kommune inngår denne avtalen.

I utkast til avtale er det skissert at Gulen kommune skal betale ein årleg sum på kr. 150.000. I tillegg kjem kostnader for overtid. Ved telefonkontakt blir barneverntenesta i Gulen fakturert for overtid for sakshandsamar i høve til reell tidsbruk. Ved uttrykking blir Gulen kommune fakturert for overtid i høve til reell tidsbruk samt reiseutgifter for to personar. Årskostnaden skal justerast årleg.

Det er venta eit behov for uttrykking på inntil eit par gongar i året.

Vurdering

Ein avtale om vertskommunesamarbeid knytt til beredskap barnevernsvakt blir sett på som positivt frå barneverntenesta i Alver kommune si side. Dei opplever dette som ei interessant og givande oppgåve, som fleire ønskjer å delta i.

Ved at vaktlaget blir utvida med ein ekstra person, vil den totale belastninga for tilsette som deltek i ordninga bli redusert. Dette blir opplevd positivt frå dei tilsette si side, og ei utviding av vaktlaget kan også vere med på å styrkje kompetanse og fleksibilitet i ordninga. Det er fleire personar å spele på, og ansvaret strekkjer seg over eit større geografisk område. Dette blir av dei tilsette opplevd som motiverande og spanande.

Alver kommune vil ikkje ha auka utgifter med å inngå denne avtalen, då den årlege summen Gulen kommune blir fakturert for, vil dekkje dei samla konstnadene for Alver kommune.

Det er eit stort ønske frå tilsette i Alver barnevern om at avtalen skal etablerast og det vil ikkje gå ut over den samla kapasitetet til barnevernet i Alver kommune. Det er i tillegg eit avgrensa tal tilsette som er involvert i denne oppgåva, og arbeidstida i ordninga er knytt til etter ordinær arbeidstid og i helgar, med vakt kvar 8. veke. Ingen blir pålagt å delta i ordninga, tilsette søker seg inn og det er venteliste for å vere med.

Etter ei samla vurdering er følgjande konklusjon lagt fram til politisk for vurdering:

Alver kommune inngår vertskommunesamarbeid med Gulen kommune knytt til beredskap for barnevernsvakta. Alver kommune blir vertskommune for dette samarbeidet, i samsvar med utarbeidd samarbeidsavtale.

Vedlegg i saken:

01.02.2022	Samarbeidsavtale mellom Alver og Masfjorden Gulen	1672954
	Akuttbereds.._ (003)	

Arkiv: <arkivID><jplD> TI-
&00, TI-&60
JournalpostID:
Sakshandsamar:
Dato: 24.01.2022

Saksframlegg

Saksnr.	Utval	Møtedato
017/22	Utval for oppvekst, kunnskap og kultur	08.02.2022
010/22	Alver kommunestyre	24.02.2022

Retningsline for gjennomføring av barnehageopptak i Alver kommune

Rådmannen sitt framlegg til vedtak:

«Alver kommune vedtek retningsline for barnehageopptak i Alver kommune»

Utval for oppvekst, kunnskap og kultur 08.02.2022:

Handsaming:

Rådmannen sitt framlegg vart samrøystes vedteke.

OKK- 017/22 innstilling:

«Alver kommune vedtek retningsline for barnehageopptak i Alver kommune»

Politisk handsaming

Saka skal til innstilling i utval for oppvekst, kunnskap og kultur
Saka skal avgjerast i kommunestyret

Bakgrunn

Administrasjonen har utarbeidd framlegg til retningsline for opptak til barnehagar i Alver kommune.

Saka var handsama i Utval for oppvekst, kunnskap og kultur 09.11.2021.

Handsaming:

Rådmannen sitt framlegg vart samrøystes vedteke.

OKK- 067/21 Vedtak:

«Framlegg til retningsline for opptak til barnehage i Alver kommune blir sendt ut på høyring. Frist for å komemed innspel er sett til 07.01.22.»

Saka har vore på høyring og det har kome to tilbakemeldingar på høyringa.
I tillegg har administrasjonen vurdert retningslina og funnet at det er trong for ein mindre endring i teksten. Dette vert utgreia i saka under.

Informasjon om Retningslina:

Retningslina er felles for alle barnehagane i kommunen, men dei private barnehagane har egne vedtekter som regulerer opptak til barnehage.

Retningslina skal sikre at kommunen følgjer barnehageloven og sikre kommunen si plikt for å

legge til rette for ein samordna opptaksprosess

Mynde sitt ansvar er heimla i barnehageloven. Kommunen er lokal barnehagemynd og skal likebehandle kommunale og private barnehagar. Dette skal ivareta tilliten til kommunen som barnehagemynd. Dei oppgåvene kommunen har som barnehagemynd, kan ikkje utførast av dei same personane som og ivaretek oppgåver som barnehageeigar. Desse oppgåvene skal være adskilt. I Alver kommune er rolla som barnehagemynd lagt under kommunalsjef oppvekst og vert utført av stab oppvekst.

Barnehageloven Kapittel IV- §17 gjev føringar for korleis kommunen som barnehagemynd skal leggje til rette for ei samordna opptaksprosess: «Alle godkjente barnehager i kommunen skal samarbeide om opptak av barn. Kommunen skal leggje til rette for en samordnet opptaksprosess, der det tas hensyn til barnehagenes mangfold og egenart. Brukernes ønsker og behov skal tillegges stor vekt ved selve opptaket. Ved en samordnet opptaksprosess skal likebehandling av barn og likebehandling av kommunale og private barnehager sikres.»

Barnehageloven §16, om retten til plass i barnehage: «Barn som fyller ett år senest innen utgangen av august det året det søkes om barnehageplass, har etter søknad rett til å få plass i barnehage fra august i samsvar med denne loven med forskrifter. Barn som fyller ett år i september, oktober eller november det året det søkes om barnehageplass, har etter søknad rett til å få plass i barnehage innen utgangen av den måneden barnet fyller ett år i samsvar med denne loven med forskrifter. Barnet har rett til plass i barnehage i den kommunen der det er bosatt. Søknadsfrist til opptaket fastsettes av kommunen.»

Barnehageloven §18, om prioritet ved opptak: «Barn med nedsatt funksjonsevne har rett til prioritet ved opptak i barnehage. Det skal foretas en sakkyndig vurdering for å vurdere om barnet har nedsatt funksjonsevne. Barn som det er fattet vedtak om etter barnevernloven §§ 4-12 og 4-4 annet og fjerde ledd, har rett til prioritet ved opptak i barnehage. Kommunen har ansvar et for at barn med rett til prioritet får plass i barnehage.»

Alver kommune har eitt hovedopptak. Søknadsfrist for hovedopptaket er 1. mars og barn som søker innan denne dato som fyller 1 år innan november i opptaksåret har rett til plass. Føresette som sender søknad innan 1. mars vil sikre retten etter barnehagelova når barnet fyller 1år.

Søknader som kjem inn etter 1.mars vil verte lagd på venteliste og får tildelt plass berre dersom det er ledige plassar i barnehagane

Saksopplysninger:

«Det er kommet to tilbakemeldingar på høyringa

Høyringssvar:

1. Frå Samarbeidsutvalet /Skulemiljøutvalet ved Austebygd skule som har drøfta saka 22.10.2021. I særutskrift frå møte har dei skrevet at dei har gått igjennom høyringsforslaget og har ingen kommentar til forslaget- og tek det til orientering.
2. Frå Styret i PBL (Private Barnehagars landsforbund)- Alver som har drøfta saka 03.01.2022. PBL-Alver meiner at Alver kommune ved barnehagemynd har laga god og konkret retningsline for opptak.

PBL skriv og at :

«Vi ser det som viktig at barnehagemynd før opptak gjennomgår retningslinjen, slik at vi i størst mulig grad kan sikre at hver styrer har forstått dem. Vi ønsker også at det blir lagt til rette for en kortest mulig opptaksprosess.» »

Vedlegg i saken:

31.01.2022 Retningsline for barnehageopptak i Alver kommune

1682887

Arkiv: <arkivID><jplD>
GBNR-310/3

JournalpostID:

Sakshandsamar:

Dato: 01.02.2022

Saksframlegg

Saksnr.	Utval	Møtedato
012/22	Alver formannskap	10.02.2022
011/22	Alver kommunestyre	24.02.2022

Frådeling av grunn til privat naust frå gbnr 310/3

Rådmannen sitt framlegg til vedtak:

«Kommunestyret godkjenner at Eva Tangen får tilbod om innløyssing av festa naustegrunn på Holmeknappen gbnr 310/3 for kr 127 369,- pluss omkostningar til mellom anna frådeling og oppmåling av naustparsellen. Tilbodet står ved lag seks måneder frå vedtaksdato.»

Alver formannskap 10.02.2022:

Handsaming:

Rådmannen sitt framlegg vart samrøystes vedteke.

FO- 012/22 innstilling:

«Kommunestyret godkjenner at Eva Tangen får tilbod om innløyssing av festa naustegrunn på Holmeknappen gbnr 310/3 for kr 127 369,- pluss omkostningar til mellom anna frådeling og oppmåling av naustparsellen. Tilbodet står ved lag seks måneder frå vedtaksdato.»


Politisk handsaming

Saka skal til innstilling i formannskapet.

Saka skal avgjerast i kommunestyret.

Bakgrunn

Alver kommune har fått ein førespurnad frå Eva Martha Tangen om å få frådelt ein parsell frå gbnr 310/3 til hennar naust på Holme (Holmeknappen). Naustet er vist med raud ring på kartet under:



Kart over aktuelt naust vist med raud ring



Oversiktskart

Alver kommune er eigar av hovudbruket bnr 3, som omfattar store delar av strandområdet på Holmeknappen. Kommunen må såleis som grunneigar vurdere frådeling og avhending av den omsøkte naustparsellen.

I tidlegare tider er det ført opp fleire naustbygningar (gardsnaust) i strandområdet på bnr 3 på Holme, tilhøyrande gardar som ikkje sjølv eigde strandline der det er tilkomst til sjøen.

Tangen har framlagt kjøpekontrakt for naustet frå 1994. Det har ikkje vore skrive ut skøyte. Det er heller ingen dokument som viser at det har vore betalt festeavgift. Tangen har også opplyst om at det ikkje har vore betalt festeavgift. Ettersom det ikkje er funne noko dokumentasjon på feste, kan ein ikkje sikkert vite kva som har vore avtalt, mellom anna om festaren har innløysningsrett.

Det har tidlegare vore fremja liknande saker for politisk behandling. I KO-sak 007/02 i Meland kommune fekk Ture Andersen skilt frå eit naust som også stod på bnr 3. Dette naustet var ikkje eit tradisjonelt gardsnaust, men har tilhøyrt bustadeigedomen gbnr 310/8 på Holmeknappen. Dette naustet ligg på austsida av Holmeknappen, og har i dag bnr. 188.

Det vart i 2010 skilt ut eit naust i vest, på gbnr 10/3. Dette naustet vart rekna å vere Meland kommune sitt, og vart etter vedtak i kommunestyret sak 010/10 lyst ut og seld til høgstbydande. Ny eigar overtok naustet i 2012 for kr 330 000,- pluss omkostningar.

I 2020 vart det skilt ut eit naust til Brita Sagstad som har fått bruksnummer 281. Vedtaket om sal av naustegrunn vart gjort i KO-sak 05/19 og salssummen var 125 000 kr + omkostningar.

Saksopplysninger:

Spørsmålet er om og på kva vilkår, Tangen skal få høve til å overta grunnen til det aktuelle naustet.

Dei økonomiske verdiane i saka er avgrensa til verdien av grunnen naustet står på.

Saka har to aktuelle alternativ. Det eine er at kommunen tilbyr at naustparselen blir selt/innløyst for ein besemt sum. Alternativt at kommunen ikkje godtek frådelling, og at sal/innløysning dermed ikkje er aktuelt.

Rådmannen vurderer at tidlegare saker talar for at ein også her bør godkjenne innløysning/sal.

Dersom kommunen godkjenner innløysning, vil neste problemstilling knyte seg til kva vilkår kommunen sitt tilbod skal innehalde. Søkjar har ikkje dokumentasjon på festeforholdet gjennom ein festeavtale. Det har heller ikkje vore betalt festeavgift til kommunen. Det vert dermed ikkje aktuelt å vurdere innløysningssummen basert på festeavgift.

Ein annan måte å vurdere innløysningssummen på, er slik det vart gjort i KO-sak 05/19 som gjaldt utskilling av naustegrunn til Sagstad på gbnr 310/3 (no gbnr 310/281). Her vart det opplyst følgjande:

«Etter tomtefestelova § 15, 4. ledd kan det ved lenging av eit festeforhold krevjast ei festeavgift tilsvarande 2 % av marknadsverdien for festegrunden. Ettersom festeforholdet her nok er meir enn 99 år, må det vere rimeleg å nytte dette prinsippet. I sak ved sal av anna naust, nemnt innleiingsvis, vart tomteverdien i 2012 vurdert til kr 250 000,-. Legg ein dette til grunn i denne saka vil ei festeavgift på 2 % då utgjere kr 5000,-. Innløysningssum blir då 125 000 kr.»

Rådmannen vurderer at desse sakene er svært samanliknbare ettersom dei gjeld avhending av naustegrunn på same gbnr, og rår difor til at innløysningssummen i denne saka vert den same som i KO-sak i Meland kommune 05/19, dvs 125 000 kr, indeksregulert frå vedtaksdato (06.03.19) til søknadsdato for aktuell søknad (16.10.20). Dette gjev ein sum på 127 369 kr.

Ved ei eventuell innløysning vil også festar/kjøpar måtte bere kostnadene til frådelling og oppmåling av naustegrunden.

Etter plan og bygningslova § 1-8 anna ledd siste pkt. gjeld ikkje regelen om bygge- og

delingsforbod i strandsona, ved innløsning av tomtefeste. Naustegrunnen kan dermed delast frå utan å kome i konflikt med det generelle dele- og byggeforbodet.

Arkiv: <arkivID><jplID> FA-K40
JournalpostID:
Sakshandsamar:
Dato: 28.01.2022

Saksframlegg

Saksnr.	Utval	Møtedato
023/22	Utval for areal, plan og miljø	09.02.2022
003/22	Utval for næringutvikling og drift	09.02.2022
012/22	Alver kommunestyre	24.02.2022

Ny lokal forskrift om jakt og fastsetting av minsteareal som grunnlag for tildeling av fellingsløyve på hjort i Alver kommune

Rådmannen sitt framlegg til vedtak:

Alver kommunestyret vedtek framlegg til lokal forskrift om jakt og fastsetting av minsteareal som grunnlag for tildeling av fellingsløyve på hjort i Alver kommune vert vedteke.

Vedtaket har heimel i forskrift om forvaltning av hjortevilt § 6.

Grunngjevinga går fram av saksutgreiinga».

Utval for areal, plan og miljø 09.02.2022:

Handsaming:

Tilleggsframlegg frå Vigdis Villanger-Sp:

Hjortejaktvald 4631v0016 "Nordangervågen" nord på Radøy vert gjort til eiga arealsone for minsteareal, på 200 daa. Administrasjonen får fullmakt til å oppdatera den lokale forskrifta slik at dette vert riktig i teksten elles.

Rådmannen sitt framlegg vart samrøystes vedteke.

Tilleggsframlegg frå Vigdis Villanger-Sp vart samrøystes vedteke.

APM- 023/22 innstilling:

Alver kommunestyre vedtek framlegg til lokal forskrift om jakt og fastsetting av minsteareal som grunnlag for tildeling av fellingsløyve på hjort i Alver kommune vert vedteke, med følgjande tillegg:

Hjortejaktvald 4631v0016 "Nordangervågen" nord på Radøy vert gjort til eiga arealsone for minsteareal, på 200 daa. Administrasjonen får fullmakt til å oppdatera den lokale forskrifta slik at dette vert riktig i teksten elles.

Vedtaket har heimel i forskrift om forvaltning av hjortevilt § 6.

Grunngjevinga går fram av saksutgreiinga.

Utval for næringutvikling og drift 09.02.2022:

Handsaming:

Utvalseiar Stian Lavik-KRF sette fram følgjande tilleggsframlegg:

Utval for næringsutvikling og drift støttar rådmannen sitt framlegg til vedtak, med følgjande tillegg:

Hjortejaktvald 4631v0016 "Nordangervågen" nord på Radøy vert gjort til eiga arealsone for minsteareal, på 200 daa. Administrasjonen får fullmakt til å oppdatera den lokale forskrifta slik at dette vert riktig i teksten elles.

Lavik sitt tilleggsframlegg vart samrøystes vedteke.

ND- 003/22 uttale:

Utval for næringsutvikling og drift støttar rådmannen sitt framlegg til vedtak, med følgjande tillegg:

Hjortejaktvald 4631v0016 "Nordangervågen" nord på Radøy vert gjort til eiga arealsone for minsteareal, på 200 daa. Administrasjonen får fullmakt til å oppdatera den lokale forskrifta slik at dette vert riktig i teksten elles.

Politisk handsaming

Saka skal til uttale i utval for næringsutvikling og drift.

Saka skal til innstilling i utval for areal, plan og miljø

Saka skal avgjerast i kommunestyret

Bakgrunn

Oppfølging av ny kommunal målsetting for hjort med tilleggsframlegg vedteke i kommunestyret 09.06.21 saknr. 80/21.

Det er laga forslag om ny lokal forskrift om jakt og fastsetting av minsteareal som grunnlag for tildeling av fellingsløyve på hjort i Alver kommune som følgje av store hjorteskader på landbruket i kommunen.

Areal, plan og miljø fatta 08.12.21 i sak 171/21 vedtak om at forskrifta skulle sendast på høyring.

Utkast til ny lokal forskrift har vore på høyring i perioden 14.12.2021 til 15.01.2022. Den vart sendt på høyring til alle hjortevald leiarar i Alver kommune, til dei lokale bondelaga, leiarar i bestandsplanområde (BPO), faglaga i landbruket, Nordhordland skogeigarlag, Nordhordland Jakt og Fiskelag og Nordhordland Naturvernforbund.

Det har kome inn 11 høyringsuttaler hovudsakleg frå hjortevald leiarar, bønder og bondelag. Dei fleste høyringsinnspela stadfester at dei ynskjer ein bestandsreduksjon grunna høgt skadenivå på landbruksareala. I store trekk er høyringsinnspela positive til forslaget om reduksjon av minsteareal. Dei flest uttalane er komen frå interessentar som er direkte økonomisk påverka av hjorteskader i drifta si. Ein del innkomne forslag krev endringar på nasjonalt nivå eller går direkte imot gjeldande lovgiving, og kan difor ikkje etterkommast.

Høyringsinnspela ligg som vedlegg og det er laga ei oversikt der kvart enkelt innspel er kommentert/vurdert av administrasjonen. (Høyringsinnspel med kommentarar- Lokal forskrift om jakt og fastsetting av minsteareal som grunnlag for tildeling av fellingsløyve på hjort i Alver kommune)

Saksopplysningar:

Alver kommunestyret vedtok 09.06.2021 nye kommunale mål for forvaltning av hjort, samt fokusområda/tiltak for å oppfylla målsettinga.

Kommunestyret kom med eit tilleggspunkt, der administrasjonen vart beden om å setja i verk ekstraordinære kortsiktige tiltak grunna dei omfattande skadane av hjort fleire stader i kommunen.

Desse tiltaka skulle ha som føremål å bringa bestanden raskt ned til eit meir normalt nivå. Kommunestyret har vidare bede om at det vert laga ny forskrift for minsteareal for hjort i Alver kommune. Minstearealet skal tilpassast hjortestamma i dei ulike geografiske områda.

Administrasjonen viser til at ein har brukt 50 % regelen i serdeles stort omfang ved tildeling av løyve i jakt sesongen 2021 i delar av gamle Radøy og Lindås kommunar. I desse områda har

administrasjonen med noverande minsteareal ikkje meir handlingsrom til å auke uttaket igjennom bruk av 50 % regelen. Administrasjonen tilrår derfor reduksjon av minsteareal for hjort for å skape fleksibilitet og klargjere til eit eventuelt auka uttak i 2022.

Bruk av 50% regelen ved tildeling av fellingsløyve i Alver kommune sesong 2021

	1 - 10 % Reduksjon av minsteareal	11 - 20 % Reduksjon av minsteareal	21 - 30 % Reduksjon av minsteareal	31 - 40 % Reduksjon av minsteareal	41 - 50 % Reduksjon av minsteareal
 Hjortevald - Radøy - %	0	16	0	16	47
 Hjortevald - Lindås - %	5	19	7	7	30
 Hjortevald - Meland - %	10	0	10	0	0

Vurdering

Det vert tilrådt å halda fast på eit differensiert minsteareal med 5 ulike storleikar som i stor grad føl dei gamle kommunegrensene og er knytt opp mot gardsnummer. Dette er gjort på bakgrunn av ulikheiter i artens levevilkår i kommunen, den lokale bestandsstorleiken og utvikling av skade på landbruket.

Ved eit redusert minsteareal og potensielt fleire løyver skal det samstundes sikrast at reduksjonen i hjortepopulasjonen blir berekraftig og ikkje blir ein rein tall messig nedslakting med einseitig fokus på totaluttaket sin storleik. Ei endring i minsteareal må gjerast i kombinasjon med endring i samansetting av uttaket.

Tidlegare Radøy kommune har delt minsteareal med 350 daa/dyr nord i kommunen inkludert Toska og Marøy og 600 daa sør i kommunen. Områda Straume/ Nordanger nord på Radøy vart i sesongen 2021 utpekt i som eit prøveområde for auka avskyting. Dette vart vidareført frå administrasjonen si side ved at 47 % av hjortevalda på Radøy i sesong 2021 har fått reduksjon av minsteareal med 41- 50 %. I 79 % av hjortevalda er 50 % regelen brukt til redusera minsteareal i større eller mindre omfang. I sesong 2021 vart det tildelt løyver pr 233 daa i områda med minsteareal på 350 daa og pr 635 daa i områda med minsteareal på 600 daa.

Rådmannen sitt forslag til nytt minsteareal for Radøy i Alver kommune er 250 daa frå og med søre Radøy og Askeland vald og nordover. Sørøst Sørøst Radøy og Askeland vert minstearealet fasthalde på 600 daa.

Tidlegare Lindås kommune har hatt minsteareal på 500 daa. I sesong 2021 vart det aktivt tildelt løyver pr 440 daa i områda. 30 % av hjortevalda i områda har i sesong 2021 fått reduksjon av minsteareal med 41-50%. I 63 % av hjortevalda er det brukt 50 % regelen til reduksjon av minsteareal i større eller mindre omfang.

Rådmannen tilrår 400 daa som minsteareal.

Tidlegare Meland kommune har hatt minsteareal på 400 daa på Holsnøy og Flatøy. Valda i Meland har felles bestandsplanområde med fleirårig forvaltningsplan med utløp 2021. Bestandsplanområdet har ein årskvote på 152 dyr, eller om lag 500 daa for eit løyve.

Rådmannen rår til at minstearealet vert uendra på 400 daa for dei aktuelle valda. Det vert vurdert at områda har stort handlingsrom med noverande minsteareal. Innafor det gjeldande minsteareal er det moglegheit for å heve uttaket med rundt 35 dyr utan bruk av 50% regelen

Framlegg til nytt minsteareal for godkjenning av vald og grunnlag for tildeling av fellingsløyve går fram av tabellen under:

	Gardsnummer	Minsteareal	Nytt minsteareal
Radøy med Toska og Marøy	414-479 og 490-502	350daa	250daa
Radøy, sørom Søre Radøy grunneigarlag og Askeland til og med Alverstraumen	130-134 og 480-489	600daa	600daa
Gamle Lindås kommune, utanom Alverstraumen	4-248	500daa	400daa
Gamle Meland kommune med Flatøy	1 og 304-357	400daa	400daa
Resten av kommunen		1000daa	1000daa

Høyringsinnspela som løftar kritikk imot forslaget er i utgangspunktet for ein reduksjon av minsteareal for hjort for å skape fleksibilitet og klargjere til eit eventuelt auka uttak i 2022. Kritikken er derimot rette mot følgje verknadane av ein reduksjon av minstearealet som samtidig automatisk reduserer det teljande arealet som er naudsynt for å opprette eit hjortevald. Problematikken vert nemnd i høyringsinnspellet frå Hjortevald 4631V0053 - Lindås Vest Hjortevald og presisert i etterfølgande i innspel frå to grunneigarar frå same hjortevald. Hjortevaldet foreslår at kommunen skal skilja mellom minsteareal for godkjenning av vald og minsteareal for tildeling av løyver. Samtidig rår dei på det sterkaste frå at det vert tildelt løyve til enkeltgrunneigarar.

Forskrift om forvaltning av hjortevald opnar ikkje opp for skilnad mellom minsteareal for godkjenning av hjortevald og minsteareal for tildeling av løyva. Kommunen kan heller ikkje forby 1 dyrs vald når valdet oppfyller §9 i denne forskrifta. Administrasjonen deler bekymringa i desse høyringsinnspela for den latente risikoen at eit redusert minsteareal samstundes kan fragmentere eksisterande vald til fleire nye vald.

Administrasjonen forstår frustrasjonen og veit at det er ein stor og arbeids messig krevjande jobb som vert lagt ned for samarbeid og samhandling i vald/storvald. Forskrifta om forvaltning av hjortevald oppfordrar til store forvaltningsområde for hjort, men gjev og moglegheit for motsette. Storvalda og administrasjonen skal i fellesskap søkja å finna ei løysing som gjera det meir lukrativt å vera eit jaktfelt i eit storvald, gjennom omfordeling av løyve internt i storvaldet i løpet av jakta. Det skal svara seg betre å vera ein del eit storvald enn å vera eit sjølvstendig minivald.

Samstundes skal det nemnast at Alver kommune sin reduksjon av minsteareal for hjort sommaren 2020 var meir omfattande for områda enn den foreslått justering i 2022. I 2020 bleiv minstearealet redusert frå 1500 daa til 500 daa. Endringa i minsteareal i 2020 resulterte i 2021 i tre søknader om godkjenning av nye vald i kommunen, der berre ein av desse vart godkjent som nytt vald.

I høyringsinnspel frå Hjortevald 4631V0016 Nordanger vågen vert det reist krav om at dette hjortevaldet skal ha eige arealsone med minsteareal på 200 daa. Dette kravet vert støtta av Vestland Bondelag sitt høyringsinnspel. Ved vedtak av nytt minsteareal vil løyvetildelinga kunne aukast frå maksimalt 75 til maksimalt 105 løyver for hjortevaldet. Eit minsteareal på 200 daa vil resultere i maksimalt 131 løyver.

Administrasjonen har fokus på bestandsreduksjon og reduksjon av skade nivå på landbruk over eit langt større areal enn berre einsidig gjeldande for forsøksområdet. Dette vil gjere bestandsreduksjonen meir effektivt og hjelpa fleire bønder. Det vert vurdert som meir effektivt for å redusera bestanden at ein reduserer minstearealet for heile nordenden av Radøy og ikkje berre for forsøksområde. Før resultat frå tannsnitts- og kohort analyse prosjektet ligg føre kan administrasjonen ikkje rekne ut kor mange hodyr som faktisk trengs i uttaket for å oppnå ein effektiv reduksjon.

I tråd med politisk vedtak har område Straume/ Nordanger fungert som prøveområde for auka avskyting og ekstraordinære kortsiktige tiltak for bestandsreduksjon i jakt sesong 2021. Endring i uttaksfordelinga har endra kjønnsamansettinga i uttaket frå 49 % hanndyr og 51 % hodyr i sesong 2020 til 35 % hanndyr og 65% hodyr i sesong 2021 for prøveområde. Uttaket av hodyr er heva frå 36 stk. til 48 stk. Totaluttaket er heva frå 70 til 75 dyr som er maksimal tildeling ved bruk av 50% regelen.

I ein reduksjonsfase tel kvart hodyr som vert tatt ut, og dette er eit veldig viktig grep for å redusera produksjonen i bestanden. Ein har endra kjønns- og alderssamansettinga i uttaket ved å ta ut fleire hodyr og kalvar slik at produksjonen i bestanden går ned, og ein får ei meir kvalitetssikra rekruttering mellom aldersklassar spesielt blant hodyr. Dette er i tråd med kommunen si målsetting for hjorteforvaltning.

Den tette næringsklynga av aktive driftseiningar for mjølkeproduksjon med god og stor grasproduksjon som er i Nordanger krinsen, er ei naturleg årsak til ein stor lokal hjortepopulasjon. For å oppfylle kommunen si målsetting for forvaltning av hjort er storleiken på uttaket i Nordanger vågen hjortevald av vital betydning for reduksjon av den lokale hjortestamme, men skal brukast konstruktivt og ikkje tangere til nedslakting. Det har ikkje lukkast administrasjonen å finna fram til den omtalte kommune i Vestland som har minsteareal på 150 daa og 75 daa for kvart utdelt løyve. Kjeldetilvisinga som er brukt kan heller ikkje bekrefte dette talet.

I eit par høyringsinnspel vert uttrykt ynskje/ krav om ekstra verkemiddel i hjorteforvaltninga for å gjere uttaket meir effektivt. Spesielt forsøksområde vil ha innført fri kvote på kalv og ungdyr av hjort samt ha utvida jakttid frå 15. august og ut januar månad. Kommunen vert oppfordra til å søkja Miljødirektoratet om dispensasjon til dette. Det vert vist til at Lærdal kommune har innført dette.

Lærdal kommune er pålagt/ kraftig oppfordra av Miljødirektoratet til minimum 50% bestandsreduksjon av hjort grunna faren for spreiding av CWD frå villrein i Nordfjellaregionen. Lærdal har soleis dispensasjon frå Miljødirektoratet til midlertidig utvida jakttid på hjort samt fri kvote på kalv og ungdyr. Det vil vere feil å samanlikna dispensasjons moglegheitene mellom bestandsreduksjon grunna nedkjemping av CWD og vanlig bestandsreduksjon.

Alver kommune har i fellesskap med andre vestlandskommunar og Vestland Fylkeskommune sendt inn høyringsinnspel om utvida jakttid for hjort. Miljødirektoratet har sendt eit negativ signal med omsyn til utvida jakt på hjort i forslag til forskrift om jakt- og fangsttider 2022-2028 utsendt 26.01.2022.

Konklusjon

Alver kommune si nye lokale forskrift om jakt og fastsetting av minsteareal som grunnlag for tildeling av fellingsløyve på hjort er eit viktig verktøy til å skapa fleksibilitet og kort respons tid på behov for auke i uttak av hjort. Administrasjonen viser til at ein har brukt 50% regelen i serdeles stort omfang ved tildeling av løyve for jakt sesongen 2021 i delar av gamle Radøy og Lindås kommunar. I desse områda har administrasjonen med noverande minsteareal ikkje meir handlingsrom til å auke uttaket igjennom bruk av 50% regelen og difor er reduksjon av minsteareal nødvendig.

Høyringsinnspela har ikkje gitt grunnlag for å endra framlegget. Administrasjonen held fast på sitt framlegg til ny lokal forskrift om jakt og fastsetting av minsteareal som grunnlag for tildeling av fellingsløyve på hjort. Administrasjonen ynskjer frå kommande sesong, viss nødvendig, å kunne auke uttaket for å oppfylle kommunal målsetting for hjort og vidareføre dei ekstra ordinære kortsiktige tiltaka for å oppnå bestandsreduksjon som vert innført i sesong 2021.

Vedlegg i saken:

31.01.2022 Forskrift om jakt og fastsetting av minsteareal som

1683236

01.02.2022	grunnlag for tildeling av fellingsløyve - endra 2021 Høyringsinnspel med kommentarar - Lokal forskrift om jakt og fastsetting av minsteareal som grunnlag for tildeling av fellingsløyve på hjort i Alver kommune -	1683205
01.02.2022	Innspel til forskrift om jakt og fastsetting av minsteareal for tildeling av fellingsløyver på hjort i Alver Kommune	1681999
28.01.2022	4631V0053 Lindås Vest Hjortevald	1682001
01.02.2022	Innspel til - Lokal forskrift om jakt og fastsetting av minsteareal.	1682005
28.01.2022	Innspel til høyringsaksa om minsteareal	1682004
01.02.2022	Innspel til Minsteareal for hjort i Alver	1682006
01.02.2022	Innspel til - Lokal forskrift om jakt og fastsetting av minsteareal for tildeling av fellingsløyve for hjort i Alver	1682007
01.02.2022	Innspel til høyringsak - Lokal forskrift om jakt og fastsetting minsteareal som grunnlag for tildeling av fellingsløyve på hjort i Alver kommune	1682008
01.02.2022	HØYRINGSSAK - Lokal forskrift om jakt og fastsetting minsteareal som grunnlag for tildeling av fellingsløyve på hjort i Alver kommune - Lindås hjortevald	1683359
01.02.2022	Høyringsak tildeling av fellingsløyve av hjort	1683358
01.02.2022	høyringsinnspel minsteareal	1682009
28.01.2022	31.10.21 Fråsegn - Jakt og fangsttider 1. april 2022- 31.mars 2028	1682013
28.01.2022	Informasjon+om+hjort-+og+elgjakta+- +Lærdal+2021 (360655) (2)	1682014
31.01.2022	31.10.21 Fråsegn - Jakt og fangsttider 1. april 2022- 31.mars 2028	1683250
31.01.2022	Informasjon+om+hjort-+og+elgjakta+- +Lærdal+2021 (360655) (2)	1683251
01.02.2022	Sak 157_21-Innspel frå mjølkeprodusentane i Nordangerkrinse med signatur	1683355

Arkiv:

<arkivID><jpID> FE-145

JournalpostID:

Sakshandsamar:

Dato:

03.02.2022

Saksframlegg

Saksnr.	Utval	Møtedato
006/22	Alver formannskap	10.02.2022
013/22	Alver kommunestyre	24.02.2022

Flytting av budsjettmidlar (investering) fra 2021 til 2022

Rådmannen sitt framlegg til vedtak:

Unyttta investeringsmidlar i 2021 på 117,2 mill. kr vert flytta til budsjett 2022 i samsvar med tabellen i saksutgreiinga. Auken vert finansiert av unyttta lånemidlar 103,1 mill. kr og momskompensasjon med 14,1 mill. kr.

Alver formannskap 10.02.2022:

Handsaming:

Rådmannen sitt framlegg vart samrøystes vedteke.

FO- 006/22 innstilling:

Unyttta investeringsmidlar i 2021 på 117,2 mill. kr vert flytta til budsjett 2022 i samsvar med tabellen i saksutgreiinga. Auken vert finansiert av unyttta lånemidlar 103,1 mill. kr og momskompensasjon med 14,1 mill. kr.

Politisk handsaming

Saka skal til innstilling i formannskapet

Saka skal avgjerast i kommunestyret

Saksopplysningar:

På fleire investeringsprosjekt har det i 2021 vore lågare framdrift enn budsjettert. Totalt viser investeringsrekneskapen på dei aktuelle prosjekta (pt. ikkje revidert av revisor) for 2021 at det er påløpt netto 237 mill. kr i ordinære investeringar mot budsjettert 369 mill. kr, eit mindreforbruk på 132,1 mill. kr. Sjå tabellen under. Merk at prosjekt som ikkje har endringsframlegg, heller ikkje er med i tabellen.

For at dei aktuelle prosjekta skal verte gjennomført i samsvar med vedtak, gjer rådmannen framlegg om å flytte ein stor del av dei unyttta midlane frå 2021 til budsjett 2022. Til saman vert 117,2 mill. kr forslått overført til 2022.

Dette kjem i tillegg til reduksjonen av budsjettet gjort i tertialrapporten for 2. tertial 2021, der investeringsbudsjettet vart redusert med 80,1 mill. kr for overføring til 2022. Denne framdriftsjusteringa er imidlertid inkludert i rådmannen sitt budsjettframlegget for 2022, slik at det ikkje er trong for å justere for dette i 2022 no.

Effekt på rente- og avdragskostnader i driftsbudsjettet for 2022 som følgje av endra prosjektframdrift vert kommentert og vurdert i samband med 1. tertialrapport for 2022, saman med eventuell budsjettjustering som følgje av dette.

Investeringer 2021 - framlegg til overføring av budsjettmidlar til 2022				
Prosjekt	Netto utgifter	Rev. budsj 2021	Avvik budsjett	Overf. til 2022
0 SUM PROSJEKT MED OVERF. AV BUDSJETT FRÅ 2021 TIL 2022	237 190 828	369 337 250	132 146 422	117 205 000
12 IKT OG ADMINISTRASJON	1 256 893	3 575 000	2 318 108	2 200 000
12003 IKT DIVERSE DIREKTE INVESTERT KOMMUNEN	-	625 000	625 000	600 000
12007 IKT PROSJEKT VIA IKTNNH	647 043	1 000 000	352 957	300 000
12009 UTBYGGING AV TRÅLØSE NETT	412 850	1 450 000	1 037 151	1 000 000
12012 DIGITALT KARTVERK	197 000	500 000	303 000	300 000
13 ADMINISTRASJONSBYGG	2 018 848	2 210 000	191 152	190 000
13007 UTSTYR HELSEHUS NHLV, FYSIO OG LEGETENEST	2 018 848	2 210 000	191 152	190 000
21 BARNEHAGEBYGG	2 428 063	4 400 000	1 971 937	1 960 000
21002 Bø Barnehage	609 137	2 000 000	1 390 863	1 380 000
21005 INVESTERING BARNEHAGEBYGG	659 498	1 000 000	340 503	340 000
21008 SOLHALL OPPGRADERING	1 159 429	1 400 000	240 571	240 000
22 SKULEBYGG	141 140 559	165 560 000	24 419 441	10 230 000
22001 NY ALVERSUND BARNESKULE INKL HALL OG INFF	138 036 436	159 000 000	20 963 564	6 800 000
22002 KNARVIK BARNESKULE INKL HALL	100 000	2 000 000	1 900 000	1 900 000
22004 Eikanger skule - Trafikksikring	228 743	400 000	171 257	170 000
22008 LEIKEPlassUTSTYR	411 039	500 000	88 961	80 000
22009 INVESTERING SKULEBYGG	2 097 143	3 000 000	902 857	900 000
22018 Meland U-skule - Utstyr og møbler	176 948	300 000	123 052	120 000
22022 MANGER SKULE UTEOMRÅDE	90 250	360 000	269 750	260 000
23 KULTUR OG IDRETT	11 552 016	17 996 000	6 443 984	6 380 000
23007 Kommunehuset på Manger - kulturhus/ kino - ref	2 889 938	5 000 000	2 110 062	2 100 000
23008 Dagsturhyttar	3 173 386	3 806 000	632 614	620 000
23009 MEIERIET FREKHAUG	- 651 966	500 000	1 151 966	1 150 000
23013 Manger - Turstiar	-	150 000	150 000	150 000
23016 Meland - Parkering/rasteplassar	979 499	1 040 000	60 501	60 000
23021 Knarvik - Nytt kunstgrasdekke	5 161 158	7 500 000	2 338 842	2 300 000
25 BUSTADER	1 770 347	5 350 000	3 579 653	3 550 000
25002 INVESTERING BUSTADER	1 770 347	5 350 000	3 579 653	3 550 000
26 INSTITUSJON OG OMSORGSBUSTADER	1 523 740	15 600 000	14 076 260	14 040 000
26001 INVESTERING INSTITUSJON OG OMSORGSBUSTA	1 355 221	1 680 000	324 779	320 000
26002 BUFELESSKAP	168 519	2 000 000	1 831 481	1 800 000
26006 Meland - Omsorgsbustader	-	3 870 000	3 870 000	3 870 000
26008 Langhøyane Manger - Omsorgsbustader	-	8 050 000	8 050 000	8 050 000
29 KYRKJELAG FELLESRÅD	-	14 570 000	14 570 000	14 570 000
29002 Lindås Gravplass	-	14 570 000	14 570 000	14 570 000
30 TRANSPAORTMIDALR OG TEKNISK UTSTYR	865 893	2 610 000	1 744 108	1 740 000
30002 UTSTYR OMSORGSTEKNOLOGI / KVARDASREHAB	865 893	2 050 000	1 184 108	1 180 000
30003 NY FEIARBIL	-	560 000	560 000	560 000
33 BRANN	232 456	19 500 000	19 267 544	19 240 000
33001 BRANNSTASJON	55 928	1 000 000	944 072	940 000
33002 NY BRANNBIL	176 528	18 500 000	18 323 472	18 300 000
34 VATN	46 193 466	60 670 000	14 476 534	14 090 000
34001 Hestdal - Nytt vannbehandlingsanlegg	26 042 390	28 937 000	2 894 610	2 800 000
34002 Hestdal vannbeh.anlegg - Myrvollane vatn	10 201 392	11 000 000	798 608	790 000
34003 Myrvollane - Moldekleiv VA-anlegg	2 383 677	6 500 000	4 116 323	4 100 000
34020 GENERELLE NYANLEGG + REHAB. , LEIDNING	2 649 494	3 500 000	850 506	650 000
34021 Knarvikplanen, kommunal del	841 689	1 000 000	158 311	150 000
34038 Littlebergen-Flatøy vannleidning	44 754	733 000	688 246	680 000
34050 BIRKELAND - HELLA VATN	55 928	500 000	444 072	440 000
34051 Ishuset – Birkeland vatn	272 958	2 000 000	1 727 042	1 700 000
34052 Storsandvik-Juvik-Remmo Vannleidn.	607 418	1 000 000	392 582	390 000
34054 Vetås-Haukeland-Storheim Vannleidning	-	100 000	100 000	100 000
34055 Bøvågen-Marøy vassleidning	-	100 000	100 000	100 000
34057 Storheim - Solheim Ringleidning vatn	-	200 000	200 000	200 000
34059 Frekhaugkrysset-Sagstad Skule VA-anlegg	203 458	500 000	296 542	290 000
34062 E39 Oval Rundkjøring - Kommunal del - Vatn	2 558 861	4 100 000	1 541 139	1 540 000
34063 Helsehuset Parkeringsplass Vatn	331 447	500 000	168 553	160 000
35 AVLØP	16 361 201	34 530 000	18 168 799	18 125 000
35001 Meland Vassverk-Myrvollane Avløp	4 421 082	6 800 000	2 378 918	2 370 000
35006 Mindre prosjekt avløp	3 815 692	11 115 000	7 299 308	7 290 000
35010 RESPIENTUNDERSØKELSER	-	1 135 000	1 135 000	1 130 000
35014 Hestdal Vannbehandlingsanlegg - Avløp	680 040	4 540 000	3 859 960	3 850 000
35016 NYSTØLTUNET , FYLLINGSNES AVLØP	123 188	200 000	76 812	75 000
35023 KNARVIKPLANEN, KOMMUNAL DEL	787 045	1 000 000	212 955	210 000
35027 HELSEHUSET - AVLØP	1 637 853	1 800 000	162 147	160 000
35028 Vetås - Storheim - Avløpsleidning	-	500 000	500 000	500 000
35045 Stallane - Helsehuset avløp	139 862	340 000	200 138	200 000
35047 Littlebergen avløpspumpestasjon	-	1 000 000	1 000 000	1 000 000
35062 E39 OVAL RUNDKJØRING - KOMMUNAL DEL - AV	4 756 440	6 100 000	1 343 560	1 340 000
36 VEG	513 766	11 150 000	10 636 234	10 610 000
36001 KOMMUNALE VEGAR	324 244	3 000 000	2 675 756	2 650 000
36002 TRAFIKKSIKRING	-	4 650 000	4 650 000	4 650 000
36003 VEGLYS, OPPGRADERING (ARMATUR, MÅLARE)	189 521	3 500 000	3 310 479	3 310 000
37 AREAL OG ANNA UTBYGGING	-	-	-	-
38 PROSJEKT FINANSIERT MED STATLEGE KORONA-MIDLAR	11 333 581	11 616 250	282 669	280 000
38001 Radøyhallen/symjehall - Oppgradering ventilasjon	4 820 545	4 257 500	- 563 045	
38002 Velferdssenteret Manger - skifte tak	1 528 392	3 035 000	1 506 608	280 000
38003 Rossland, omsorgsbustader – Brannsikring, tømra	216 056	110 000	- 106 056	
38004 Austbygd skule, oppgradering Brannsentral/anlegg	117 469	118 750	1 281	
38005 Kommunale bustader- Alversund Risbekken	2 231 491	2 250 000	18 509	
38006 Garderobor kommunehuset Frekhaug	324 723	255 000	- 69 723	
38007 Parkeringsplasser i samband med dagsturhyttene	725 375	327 500	- 397 875	
38008 Sæbø barnehage- ventilasjonsanlegg.	67 187	52 500	- 14 687	
38009 Prestebrekka, Manger – bufellesskap- Nytt tak	883 928	897 500	13 572	
38010 Kastebur Knarvik Stadion	418 417	312 500	- 105 917	

Arkiv: <arkivID><jplID> FE-231
JournalpostID:
Sakshandsamar:
Dato: 01.02.2022

Saksframlegg

Saksnr.	Utval	Møtedato
011/22	Alver formannskap	10.02.2022
014/22	Alver kommunestyre	24.02.2022

Gebyr og betalingssatsar for 2022 - endring i forskrift vedtatt 16.12.2021

RÅDMANNEN SITT FRAMLEGG TIL VEDTAK:

Alver kommunestyre godkjenner oppdaterte gebyr- og betalingssatsar for 2022 slik dei går fram av vedlegg datert 01.02.2022.

Alver formannskap 10.02.2022:

Handsaming:

Framlegg frå M.Klementsens-uavh.:

Alver kommune fryser prisene på dagens nivå. Dette grunnet innbyggernes økte utgifter i for bl.a, bompenger og ikke minst meget dyre strømpriser i markedet. Som nest største kommunale eier av BKK, vil Alver kommune presumptivt få ett vesentlig større aksjeutbytte enn vanleg.

Framlegget fekk 3 røyster og fall (M.Klementsens-uavh., T.Sletten-Hansen-uavh.og M.Færø-uavh.)

Rådmannen sitt framlegg vart vedteke med 9 røyster, mot 3 røyster (M.Klementsens-uavh., T.Sletten-Hansen-uavh.og M.Færø-uavh.)

FO- 011/22 innstilling:

Alver kommunestyre godkjenner oppdaterte gebyr- og betalingssatsar for 2022 slik dei går fram av vedlegg datert 01.02.2022.

Politisk handsaming

Saka skal til innstilling formannskapet som og legg forskrifta ut på høyring i perioden fram til saka skal handsamast i kommunestyret.

Saka skal avgjerast i kommunestyret.

Saka gjeld

Saka gjeld framlegg om endring av vedtatt forskrift om gebyr- og betalingssatsar for den delen av gebyra som gjeld for plan, byggesak, matrikkel, eigarseksjonering, landbruk og utslepp frå separate avløpsanlegg som kommunestyret vedtok den 16.12.2021.

Bakgrunnen for endringa er at ikkje alle tiltak som vert søkt om og handsama etter plan- og bygningslova er omfatta av forskrifta vedtatt 16.12.2021 som følgje av at det vart laga eit nytt oppsett og mal for gebyrforskrifta for 2022 og i tillegg nokre tekstlege endringar som vert gjennomgått under.

Når det gjeld informasjon om sjølvkost og bakgrunnen for gebyra vert det vist til saksframlegget med vedlegg som vart lagt fram for kommunestyret 16.12.2021. Dei endringane som er gjort her er innanfor sjølvkostprinsippet og skal dekke dei tenestene som kommunen leverer.

Oversikt på endringar som er gjort:

- Det er lagt inn ein ny generell tekst under dispensasjon, bygge- og delesaker. Dette er i hovudsak same tekst som låg i gebyrforskrifta for 2021. Bakgrunnen for at denne er tatt inn er for å synleggjere kva tiltak det vert tatt gebyr for under dei ulike punkta i gebyrsatsane, og ei klargjering av at gebyra gjeld for oppføring og riving a for dei ulike tiltakstypene. Det er og tydeleggjort at det vert gjeve eit dispensasjonsgebyr per søknad.
- Det er lagt til eit nytt punkt 2.16.6 som gjeld der vi ber om tilleggsopplysningar/mangelbrev for søknad om tiltak som krev bruk av ansvarleg føretak. Denne tilsvara punkt 10.2.11 i gebyrforskrifta for 2021 og er auka med 2,5 %.
- I punkt 5.5.1 er ordlyden endra frå per anlegg til per bueining. Vi ser at ordlyden per anlegg ikkje er dekkande då gebyret skal gjelda per bueining, og har lagt dette inn i oppdatert gebyrforskrift. Gebyret skal gjelde for alle bueiningar som har eit privat avløpsanlegg og omfattar også minireinseanlegg og andre typar avløpsanlegg.

Gebyret blir fakturert etter det same prinsippa som ligg til grunn for gebyr for slamfømming som NGIR i dag fakturerer.

[Lenke til sak 163/21 – Gebyr og betalingssatsar 2022, handsama av kommunestyret 16.12.2021](#)

Vedlegg i saken:

03.02.2022	Gebyrforskrift Arealforvaltning 2022 - revidert forskrift datert 01.02.2022	1684485
------------	--	---------

Arkiv: <arkivID><jplID> FE-231
JournalpostID:
Sakshandsamar:
Dato: 24.01.2022

Saksframlegg

Saksnr.	Utval	Møtedato
010/22	Alver formannskap	10.02.2022
015/22	Alver kommunestyre	24.02.2022

Sjølvkostgrunnlag - gebyr plansaker

Rådmannen sitt framlegg til vedtak:

«Kommunestyret tek utgreiinga om sjølvkostgrunnlaget for plansaksgebyr til orientering, og sluttar seg til prosessen som er tilrådd i oppsummeringa.

Ramma for ansvar 7120 plan- og byggesaksbehandling, teneste 3011 plansaksbehandling etter sjølvkost, blir auka med kr 1,5 mill for 2022. Midlane blir henta frå disposisjonsfondet.»

Alver formannskap 10.02.2022:

Handsaming:

Rådmannen sitt framlegg vart vedteke mot 2 røyster (M.Klementsens-uavh.og T.Sletten-Hansen-uavh.).

FO- 010/22 innstilling:

«Kommunestyret tek utgreiinga om sjølvkostgrunnlaget for plansaksgebyr til orientering, og sluttar seg til prosessen som er tilrådd i oppsummeringa.

Ramma for ansvar 7120 plan- og byggesaksbehandling, teneste 3011 plansaksbehandling etter sjølvkost, blir auka med kr 1,5 mill for 2022. Midlane blir henta frå disposisjonsfondet.»

Politisk handsaming

Saka skal til innstilling i formannskapet

Saka skal avgjerast i kommunestyret

Bakgrunn

Forslaget til gebyrregulativ for sjølvkostområda var bygd på prinsippet om 100 % inndecking av kostnadene der det er høve til det. Budsjettforslaga for tenestene var sett opp tilsvarande, med sikte på at utgiftene til dei tenestene dette gjeld ikkje skulle belaste det ordinære driftsbudsjettet, men dekkjast inn av summen av gebyrinntektene.

I gebyrforslaget fekk nokre saksområde ein større auke i gebyrsatsane enn vanleg prisstigning skulle tilseie (større enn statens deflator), for å komme opp i sjølvkost. Plansaksområdet fekk den største auken, då dette området har låg inndecking. Ved behandling av gebyrforslaget justerte kommunestyret ned att forslaget til auka gebyrsatsar for plansakene. Kommunestyret ba om ein grundigare gjennomgang av sjølvkostgrunnlaget på gebyra i denne sektoren. Det blei ikkje gjort endringar i budsjetterte inntekter.

Rådmannen løfter i denne saka ei mogeleg tilnærming til problemstillinga, og behovet for budsjettjusteringar for å følgje opp kommunestyret sitt vedtak.

Saksopplysninger:

Kommunestyret gjorde bl.a. følgjande vedtak i sak 163/21, møte 16.12.202:

«Alver kommune godkjenner gebyr- og betalingssatsar for 2022, slik dei går fram av framlegg datert 15.12.2021 med følgjande endringar:

2.1 Reguleringsplan

Type	2021	2022	% endring
Avvist planinitiativ – administrativ avgjerd	12 000	12 300	2,5 %
Detaljreguleringsplan i samsvar med overordna plan	115 000	117 875	2,5 %
Detaljreguleringsplan i strid med overordna plan	130 000	133 250	2,5 %
Detaljreguleringsplan med konsekvensutgreiing i samsvar med overordna plan	190 000	194 750	2,5 %
Detaljreguleringsplan med konsekvensutgreiing strid med overordna plan	205 000	210 125	2,5 %

Kommunestyret ber om ein grundigare gjennomgang av sjølvkostgrunnlaget på gebyra i denne sektoren allereie i første formannskapsmøte i 2022, inkludert, men ikkje avgrensa til tydeliggjering i kor mange timar ein forventar brukt per gebyrsats, samt timesats.
.....»

Rådmannens forslag var å doble satsane frå 2021 til 2022.

Tilnærming til problemstillinga.

Fundamentet for kommunane sin bruk av sjølvkostsystemet finn vi i

- Lovverket; heimelen for å ta gebyr fins i særlovene for aktuell teneste
- Reglane for utrekning og kontroll; sjølvkostforskrifta, felles
- Lokale prinsipp; kommunane kan velge sjølvkostprinsippet heilt eller delvis, eller ikkje ta i bruk

Her følgjer ein kort gjennomgang av desse temaene, som utgangspunkt for

- vurdering av sjølvkostgrunnlaget og
- behovet for budsjettjusteringar.

Lover og reglar for sjølvkost (kulepunkt 1 og 2)

Heimelen til å ta gebyr for tenestene følgjer av særlovene som regulerer dei ulike oppgåveområda. Heimelen til å ta gebyr for plansakene følgjer såleis av plan- og bygningslova § 33-1. Her går det m.a. fram at gebyra kan dekkje kommunen sitt arbeid med plansakene fram til det blir gjort vedtak om offentleg ettersyn (altså til det blir avgjort om eit planforslag skal fremjast).

Reglane for korleis ein skal rekne ut gebyra, korleis ein skal kontrollere at utrekningssgrunnlaget er rett og kva som skjer dersom ein har fått inn for mykje eller for lite gebyr gjennom året, følgjer av sjølvkostforskrifta. Denne er lik for alle sjølvkostområda, og er heimla i kommunelova. Forskrifta vart innført 1. januar 2020. Innhaldet i forskrifta er godt kjent for kommunane frå før; dei hadde tidlegare status som retningslinjer, og har vore i vanleg bruk.

Fakta og prinsipp for Alver (kulepunkt 3)

Jf sak 103/21 Formannskapet, møte 11.11.2021. Plansakene høyrer til under gebyr for teknisk forvaltningsteneste, der følgjande prinsipp er stilt opp:

Gebyra vert fastsatt etter sjølvkostprinsippet.

Det kan ikkje takast gebyr for rettleiing etter forvaltningslova og handsaming av klagesaker.

Gebyr for handsaming av planforslag kan omfatte kommunen sitt arbeid fram til planen vert lagt ut på førstegongs høyring.

Det kan ikkje takast gebyr for områderegulering eller detaljreguleringsplanar fremja av det offentlege.

Det vert brukt standardsatser med utgangspunkt i gjennomsnittleg tid og ressursbruk for dei ulike sakstypene.

Gebyr for handsaming av søknadar som krev vedtak etter andre lovverk som t.d. jordlova, forureiningslova kjem i tillegg til gebyret etter plan – og bygningslova.

Det vert fakturert sakshandsamings gebyr per tiltak/teneste som det vert søkt om. For fleire av tenestene er det tilleggsgebyr knytt til volum, areal/tal bueiningar.

For dispensasjonssaker vert det teke eitt gebyr for handsaming av dispensasjon. Gebyr for dispensasjon kjem i tillegg til eventuelle basisgebyr per tiltak der dette er søkt om i same søknad.

Det vert teke gebyr for mangelfull søknad i samsvar med sjølvkostprinsippet om at kommunen kan ta gebyr for dei oppgåvene som er nødvendig for å produsere tenestene.

Vurdering av sjølvkostgrunnlaget for plansaksbehandling i Alver

Gebyrgrunnlaget består av direkte og indirekte kostnader som er knytt til plansaksbehandlinga, jf sjølvkostforskrifta § 2. For plansaksbehandlinga er dette i all hovudsak lønskostnader, og ein mindre del varer/tenester og indirekte kostnader. Dei indirekte kostnadene er t.d. knytt til telefoni, lisensar, post/arkiv osv som ligg utafor plan- og byggesaksavdelinga sitt oppgave- og budsjettområde.

Korleis får ein oversikt over desse kostnadene? Der svarer sjølvkostforskrifta (§3) at utrekningsgrunnlaget er rekneskapsførte utgifter og inntekter.

For plansaksområdet er det skilt mellom ressursar som går med til plansaksbehandling der ein kan legge sjølvkostforskrifta til grunn, og ressursar som går med til plansaksbehandling utafor sjølvkostområdet (som gjeld offentlege planar i det heile og private planar etter offentlig ettersyn). Rekneskapstala gir oss fasiten, under føresetnad av at rekneskapen følgjer oppsettet i budsjettet og at budsjettala er rette.

For å komme fram til rette budsjettal, er det anslag over aktiviteten som er utgangspunktet. Anslaget bygger på erfaring frå tidlegare år, og oversikt over aktuelle planar / komande planar. Dette gir eit bilete av omfanget, og korleis personellressursane bør setjast inn.

Det er ikkje ført timelister eller sett opp timeprisar for sjølvkosttenestene, dette er ikkje ein formell føresetnad for å sette opp budsjettet (og deretter nivået på gebyrinntektene med

påfølgjande gebyrregulativ). Men det blir laga eni kalkyle, som Alver nyttar konsulentteneste til å utføre (Envidan Momentum). Kalkylen reknar ut nivået på utgiftene og inntektene, og er lagt ved gebyrsaka.

Til årsrekneskapen blir det laga ei etterkalkyle, som viser det faktiske resultatet. Dersom gebyrinntektene er for høge i forhold til kva som var budsjettert, skal overskotet setjast på fond og bidra til inndekning etterfølgjande år. Dersom inntektene er for låge i forhold til budsjettet, må kommunen dekke underskotet av ordinære budsjettmidlar dersom det ikkje er eit fond med tilgjengelege midlar.

Timelister for januar vil ikkje vere representativt for nivå og omfang på plansaksbehandlinga resten av året. Dersom det skal førast timelister, bør dette gjerast gjennom heile året. I dag har ikkje kommunen eit system for føring av timelister på dette nivået, eit slikt system må først anskaffast.

Behovet for budsjettvurderingar

Plansaksbehandling utanom sjølvkostområdet har eit budsjett på 1,6 mill kr. Sjølvkostområdet har eit budsjett som går i null, der gebyrinntekter på 2,9 mill kr skal dekkje både direkte og indirekte kostnader. Med reduserte satsar på plansakene er det ikkje realistisk å nå inntektskravet på 2,9 mill kr, og det oppstår eit behov for inndekning av underskotet som er kalkulert til 1,5 mill i 2022. Det er ikkje bygd opp noko fond som kan dekke underskotet. Overslaget på 1,5 mill tilleggsfinansiering byggjer på kunnskap om aktivitet og erfaring med tidsbruk.

Kommunestyret har høve til å bestemme at gebyrgrunnlaget ikkje skal reknast ut frå dei samla kostnadene, og i staden utgjere ein andel av samla sjølvkost, jf sjølvkostforskrifta § 8.

Oppsummering og konklusjon

Rådmannen rår til at kommunen nyttar gjeldande budsjett- og rekneskapsrutinar for å kontrollere sjølvkostområda, med tilhøyrande budsjettnotat og etterkalkyle. Etterkalkylen for 2021 vil gje eit bilete av om venta aktivitet innan planområdet stemmer med faktisk ressursbruk og gebyrinntekter. I tida fram til budsjettprosessen for 2023 vil ein kunne skaffe fram endå betre oversikt over framtidig aktivitet, og med utgangspunkt i saksomfanget og fordeling av sakstypar gjennom 2022 vil ein sjå kvar ressursinnsatsen må setjast inn.

Som nemnt innleiingsvis omfattar budsjettet for plan- og byggesaksområdet i all hovudsak lønskostnader. Desse må finansierast, enten via gebyr eller via løyving i driftsbudsjettet. Utan finansiering er det ikkje mogeleg å halde oppe tilstrekkeleg kapasitet til å drive saksbehandling, noko som ikke er å tilrå – jf utfordringane på dette området i 2021.

Veksten i Alver er i stor grad avhengig av at det er tilstrekkeleg kapasitet og vilje hjå utbyggjarane til å fremje reguleringsplanar og gjennomføre utbygging, innafor rammene i dei overordna kommunale planane. Kommunen må ha tilstrekkeleg saksbehandlingskapasitet til å følgje opp og rydde vegen i tråd med overordna planar og gjennom regionale føringar og krav, helst innan rett tid.

Rådmannen rår til at budsjetttramma for plansaksbehandling blir auka med 1,5 mill kr. Midlane blir henta frå disposisjonsfondet. Dersom anslaget viser seg å vere for høgt ved årsoppgjeret, blir overskotet ført tilbake.

Arkiv: <arkivID><jplD> FA-D11
JournalpostID:
Sakshandsamar:
Dato: 26.01.2022

Saksframlegg

Saksnr.	Utval	Møtedato
013/22	Alver formannskap	10.02.2022
016/22	Alver kommunestyre	24.02.2022

Godkjenning av prosjektmandat Ostereidet kunstgras

Rådmannen sitt framlegg til vedtak:

Prosjektmandat for rehabilitering av Ostereidet kunstgras vert godkjent slik det ligg føre.

Alver formannskap 10.02.2022:

Handsaming:

Rådmannen sitt framlegg vart samrøystes vedteke.

FO- 013/22 innstilling:

Prosjektmandat for rehabilitering av Ostereidet kunstgras vert godkjent slik det ligg føre.

Politisk handsaming

Saka skal til innstilling i formannskapet.

Saka skal avgjerast i kommunestyret.

Bakgrunn

Alver kommune sitt reglement for investeringsprosjekt seier at prosjektmandat for investeringsprosjekt skal vedtakst i kommunestyret. Eining for eigedomsforvaltning har utarbeidd framlegg til prosjektmandat for rehabilitering på Ostereidet.

Saksopplysningar:

Kunstgrasbana på Ostereidet vart opna i 2001, og anlegget er per i dag det eldste kunstgrasanlegget i regionen. Rehabilitering er i økonomiplanen lagt inn med 6 millionar i 2022. Erfaringstal frå Knarvik i 2021 viser at denne ramma er for låg dersom ein vel eit dekke som utløyser alle krava i ny forskrift vedrørande kunstgras og miljø.

For anlegget på Ostereidet gjeldt at det er behov for å vurdere tiltak ut over rehabilitering av sjølve kunstgrasdekket. Mellom anna viser kontrollmålingar utført av ekstern rådgjevar i 2021 at lysanlegget avgjer lysstyrke langt under gjeldande krav. I økonomiplan-vedtaket vart rådmannen pålagt å leggja fram ei eiga sak om kva øvrige tiltak som bør vurderast gjennomført, og kostnadsramme for desse.

Framlegg til prosjektmandatet er utforma for å svara på dette punktet. Vidare er mandatet utforma for å sikra at rehabiliteringa vert utført i tråd med gjeldande standardar, og forskrift vedrørande kunstgras og miljø.

Vedlegg i saken:

11.02.2022

Framlegg prosjektmandat Ostereidet kunstgras

1690112

Arkiv: <arkivID><jpID> FE-614, TI-&46
JournalpostID:
Sakshandsamar:
Dato: 02.02.2022

Saksframlegg

Saksnr.	Utvæl	Møtedato
014/22	Alver formannskap	10.02.2022
017/22	Alver kommunestyre	24.02.2022

Framlegg til investeringsprosjekt - Rehabilitering av tak - Manger - Solhall, søndre del

Rådmannen sitt framlegg til vedtak:

«Kommunestyret vedtek prosjekt rehabilitering av taket på Solhall, Manger - søndre del. Det vert løyvd 4,4 mill inkl.mva til arbeidet, finansiert gjennom auka låneopptak»

Alver formannskap 10.02.2022:

Handsaming:

Rådmannen sitt framlegg vart samrøystes vedteke.

FO- 014/22 innstilling:

«Kommunestyret vedtek prosjekt rehabilitering av taket på Solhall, Manger - søndre del. Det vert løyvd 4,4 mill inkl.mva til arbeidet, finansiert gjennom auka låneopptak»

Politisk handsaming

Saka skal til innstilling i formannskap
Saka skal avgjerast i kommunestyret

Bakgrunn

Solhallbygget på Manger stod på kommunen sin 4 års vedlikehaldsplan i 2021. Behovet for å skifte taket på søndre fløy var ikkje oppdaga og såleis ikkje ein prioritert del av arbeidet. Gjennom det øvrige arbeidet på bygget oppdaga ein at både yttertak og undertak er prega av slitasje og skader. Det er fleire lekkasjar, og bygningen byrjar få utfordringar med sopp-danning. Tiltaka som trengs for rehabilitering / oppgradering er for omfattande til at dei kan løysast innafor ordinært driftsbudsjett.

Saksopplysninger:

Solhall-bygget på Manger er frå 1984 og består av tre fløyer;

Nordre fløy inneheldt Radøy interkommunale bufellesskap. Skifte av tak på denne fløyen tok til i 2021 og skal vera slutført innan kort tid.

Midtre fløy vart tatt i bruk av Prestmarka barnehage i 2018. Denne fløyen fekk nytt tak i samband med at barnehagen skulle flytta inn.

Søndre fløy er i ettertid pussa opp innvendig og tatt i bruk til storbarnsavdeling for barnehagen hausten 2021. Denne fløyen har framleis tak frå byggjeåret 1984. Hausten 2021

viste det seg at det er stor slitasje på takstein, skader på undertaket, lekkasjar og utfordringar med sopp i etasjen under.

Når lekkasjar oppstår, søker kommunen først å utbetre skader innafor rammene i det ordinære driftsbudsjettet. Det viser seg at det er krevjande å utbetra lekkasjane gjennom vedlikehaldsarbeid, då taksteinen mange stader er så porøs at den går i oppløysing dersom ein forsøker å bevega seg på taket. Vidare er det vass-inntrenging ved alle takhetter på grunn av rust-skader. Det er behov for vesentleg oppgradering, utanfor rammene i driftsbudsjettet.

Vurdering:

Om lag halvparten av den søndre fløyen er nyoppussa og tatt i bruk av barnehagen. Dersom det ikkje vert gjort noko med taket snarast, risikerer ein fuktskadar både i denne delen og resten av fløyen. Dersom dette vert ståande over lenger tid, risikerer ein skade på sjølve tak-konstruksjonen. Dette vil føra til auka kostnad ved rehabilitering.

Fukt-inntrenging over lengre tid vil føra til auka utvikling av muggsopp og kan dermed gå ut over inneklimate for barnehagen.

Forventa levetid for tak som er tekka med takstein er ut frå Byggforsk om lag 40 år. Ut frå taket sin høgde alder, vert det ikkje vurdert formålstenleg å gjera mindre utbetringar. Kommunen vil uansett måtta skifta heile taket innan kort tid. Mindre utbetringar no vil dermed føra til auka kostnad totalt.

Barnehagen har ønske om å samla all sin aktivitet i Solhall. Bygningen er oppført med teglsteinsfasade. Rapport frå vedlikehaldstilsyn i 2021 viser at resten av ytterskalet til bygningen er i svært god stand. Rehabilitering av den siste delen av taket, vil sikra at kommunen vil kunna nyttiggjera seg bygningen i fleire tiår framover.

Å utsetja nytt tak på søndre fløy, vil medføre risiko for fuktskadar og ekstra kostnader i den nyoppussa avdelinga.

Det er henta inn pris som viser ein kostnad på i omlag 3 millionar ekskl. mva. I tillegg må det påreknast at det kan vera skader på undertak og konstruksjon som ikkje kan oppdagast før etter at takstein er demontert. Ut frå erfaringane frå tilsvarande arbeid på nordre fløy i 2021/22, anslår rådmannen at det er behov for å setje av 10% i usikkerheit i prosjektet.

Det er ei stor føremon å skifta tak i den tørraste årstida, særleg ut frå bruken som barnehage. Prosjektet vert difor tilrådd sett i gang så fort som mogleg innanfor ei ramme på 3 300 000 ekskl. mva.

Arkiv: <arkivID><jpID> FE-200, TI-&00
JournalpostID:
Sakshandsamar:
Dato: 01.02.2022

Saksframlegg

Saksnr.	Utval	Møtedato
015/22	Alver formannskap	10.02.2022
018/22	Alver kommunestyre	24.02.2022

Reglement for styring av investeringsprosjekt

Rådmannen sitt framlegg til vedtak:

«Kommunestyret vedtek *Reglement for styring av investeringsprosjekt, revisjon 01* med dei endringane som er lagt fram i saka»

Alver formannskap 10.02.2022:

Handsaming:

Framlegg frå T.Larsen-H:

På kulepunktet om historikk i sakspapirer:

* Eventuelle tilleggsløyvingar

Endres til:

*Eventuelle tilleggsløyvingar, når og kva beløp

Framlegget vart samrøystes vedteke.

Rådmannen sitt framlegg med endring vart samrøystes vedteke.

FO- 015/22 innstilling:

«Kommunestyret vedtek *Reglement for styring av investeringsprosjekt, revisjon 01* med dei endringane som er lagt fram i saka» og følgjande endring:

På kulepunktet om historikk i sakspapirer:

* Eventuelle tilleggsløyvingar

Endres til:

*Eventuelle tilleggsløyvingar, når og kva beløp

Politisk handsaming

Saka skal til innstilling i formannskap

Saka skal avgjerast i kommunestyret

Bakgrunn

Alver kommune har i sak 063/21 vedtatt reglement for styring av investeringsprosjekt.

Gjennom politiske framlegg i 2021 har det vore tatt opp muligheten for å gjere presiseringar og utdjujingar knytt til gjennomføringsfase og usikkerheitsavsetning i prosjekta.

Det har blant anna vore ønskeleg med ein fast struktur for saksframlegg der ein bed om auka ramme for å kunne fullføre prosjekta. I sak 137/21 la kommunestyret fram følgjande tilleggsframlegg:

Det skal gå fram i saka tidslinje som opplyser om følgande: · Kostnadsramme/løyving for prosjektet då kommunestyret vedtok oppstart. Tilleggsloøyvingar undervegs i prosjektet, når og kva beløp. · Samla avvik frå første kostnadsramme/løyving og fram til no.

Saksopplysninger:

I vedlagte reviderte utgåve av reglementet er det gjort framlegg til endringar slik:

Kap 5.5.2 Sluttrapport (inkl prosjektrekneskap), avsnitt 4

Tekstillegg;

Ved avvik over 10 % frå forprosjekt kan forvaltingsrevisjon nyttast for ytterlegare evaluering og læring.

Kap 5.3.4 Bygging, avsnitt 4:

Tekstillegg;

I nokre tilfelle kan det oppstå situasjonar som krev auke i den økonomiske ramma til prosjektet. Dette kan t.d. vere auka omfang i enkelte delar av prosjektet eller større uføresette hendingar undervegs. Den avsette usikkerheitsposten kan i desse tilfella vere utilstrekkeleg. Ved behov for å auke ramma i prosjektet, må dette gjennomførast ved å fremje eiga sak for formannskap og kommunestyre.

I investeringsprosjekt der det blir bede om tilleggsfinansiering skal rådmannen i saksframlegget legge fram ei økonomisk oversikt for heile prosjektet. Oversikta skal minimum vise:

- Total kostnadsramme/løyving gitt frå oppstart
- Eventuelle tilleggsloøyvingar
- Total kostnadsauke sett i høve til opprinneleg ramma
- Oversikt over elementa usikkerheitsposten er meint å dekke.
- Oversikt over endringar i føresetnadene som gjer at usikkerheitsposten må aukast.

Punkta over er også lagt til i tabelloversikt som kan brukast i den enkelte sak

Vedlegg i saken:

03.02.2022

Reglement for styring av investeringsprosjekt - rev 01

1684857

Arkiv: <arkivID><jplD> FE-026, TI-&01
JournalpostID:
Sakshandsamar:
Dato: 03.02.2022

Saksframlegg

Saksnr.	Utval	Møtedato
008/22	Alver formannskap	10.02.2022
019/22	Alver kommunestyre	24.02.2022

Miljøløftet - Ny strategi for innfartsparkering

Rådmannen sitt framlegg til vedtak:

- Alver kommune sluttar seg til «Strategisk styringsdokument for innfartsparkering innafor avtaleområdet til Miljøløftet».

Alver formannskap 10.02.2022:

Handsaming:

Tilleggsframlegg frå M.Klementsens-uavh.:

Innfartsparkering legges tett ved utkantene av bompengeplasseringene. Parkering vert gratis. Shuttlebuss må bistå med persontransport til bussholdeplass sentralt i Knarvik/Flatøy

Framlegget fekk 4 røyster og fall (J.Hellestveit-SP, M.Klementsens-uavh., T.Sletten-Hansen-uavh. og M.Færø-uavh.)

Rådmannen sitt framlegg vart vedteke med 9 røyster (mot M.Klementsens-uavh., T.Sletten-Hansen-uavh. og M.Færø-uavh.)

FO- 008/22 innstilling:

- Alver kommune sluttar seg til «Strategisk styringsdokument for innfartsparkering innafor avtaleområdet til Miljøløftet».

Politisk handsaming

Saka skal til innstilling i formannskapet

Saka skal avgjerast i kommunestyret

Saksutgreiing

Alver kommune har gjennom si deltaking i Miljøløftet deltatt i arbeidet med å utarbeide ein overordna strategi for fagområdet innfartsparkering som skal vera førande for satsingsområdet i heile avtaleperioden. Det strategiske styringsdokumentet har byvekstavtalen som ramme og føringar.

Styringsgruppa (politisk nivå) i Miljøløftet slutta seg til strategien i møte 10.12.21, og den vert no lagt fram til politisk handsaming hjå alle partane i Miljøløftet.

Bakgrunn for saka

Innfartsparkering er eitt av fire satsingsområde i byvekstavtalen. Avtalen presiserer at innfartsparkering som verkemiddel skal bidra til nullvekstmålet; at veksten i persontransporten i dei største byområda skal takast med kollektivtransport, sykling og gange.

Nullvekstmålet er ikkje berre forankra i mål om utsleppsreduksjon, det er også ei naudsynt løysing på utfordringar knytt til kapasitet og framkomst i transportsystemet.

Det strategiske styringsdokumentet erstattar gjeldande fylkeskommunale strategi for innfartsparkering frå 2015, Strategi for innfartsparkering fram mot 2030. Korkje Lindås, Meland eller Radøy kommune har hatt eigne strategiar på temaet tidlegare.

Nokre hovudtrekk frå strategien:

Overordna mål

Det overordna målet i strategien er at «Innfartsparkering skal redusere sentrumsrettede arbeidsreiser i rush, når kø, luftforurensning og støy er mest utfordrende. Primært gjelder dette arbeidsreiser som har det sentrale Bergen som målpunkt». Strategien legg føringar for innfartsparkering for både bil og sykkel.

Lokalisering for innfartsparkeringsanlegg for bil

I «Kunnskapsgrunnlag til strategi for innfartsparkering, 07.05.21» står det at eit viktig kriterie for velfungerande innfartsparkering er at anlegga må «etableres utenfor sentrum og lokale regionsentre». Omegnskommunane, inkludert Alver, har vore pådrivarar for at dette kriteriet ikkje kunne innarbeidast i sin heilskap i den nye strategien. Dette kriteriet kjem ofte i motstrid med eit anna viktig kriterium, som er at innfartsparkering må vere tilknytt eit «godt kollektivtilbod med hyppige avgangar, rask framføring og tilstrekkeleg med kapasitet». Denne konflikten er særleg relevant i kommunane kring Bergen. For Alver, Askøy, Bjørnafjorden og Øygarden har det vore viktig at strategien ikkje hindrar etablering av innfartsparkeringsanlegg i til dømes regionsentera.

Partane i Miljøløftet har i strategien landa på eit kompromiss som på den eine sida ivaretek Bergen kommune sitt ynskje om at innfartsparkering ikkje skal etablerast i sentersoner i Bergen, og Alver og dei tre andre kommunane sitt ynskje om å framleis ha moglegheit til å etablere innfartsparkering i regionsenter. Strategien formulerer prinsipp for lokalisering av innfartsparkering for bil slik (noko forkorta):

- I dei ytre områda i Bergensområdet
- Etablerast opp mot by- og regionstamlinjenettet i Bergensområdet.
- Behovet for innfartsparkering bør vurderast opp mot gang- og sykkeltilgjenge til kollektivtilbod og moglegheita for å betre denne. Dersom det vert vurdert å vere behov for innfartsparkering i senterområde vert det anbefalt å etablere det som sambruk med sentrumsparkering, kjøpesenter eller kultur- /idrettsanlegg.

Brukarfinansiering

Forsking syner at ein betydeleg del av brukarane av innfartsparkering bur innanfor gang- og sykkelavstand til p-plassen. Ein lokalt tilpassa brukarbetaling vil bidra til at ein avviser dei aller kortaste bilreisene til innfartsparkeringane, og at desse vert overført til gange eller sykkel og dermed sikrar plass til dei som treng det, og vidare redusere behovet for å bygge ut meir kapasitet. Eit anna føremål med brukarbetaling er å bidra til finansiering av etablering eller drift av innfartsparkeringsanlegg.

Prinsipp for brukarfinansiering er eit av punkta det har vore arbeida mykje med for å kunne einast i Miljøløftet. Fylkeskommunen har ei politisk bestilling i samband med budsjettvedtak desember 2019 på å innføra brukarbetaling på dei fylkeskommunale

innfartsparkeringsanlegga, medan Alver og dei andre kommunane kring Bergen ikkje ynskjer at det vert sett som krav at det vert innført brukarfinansiering. I strategien har partane difor vorte einige om fylgjande prinsipp:

- Brukarbetaling skal vurderast ved etablering av nye anlegg for innfartsparkering.
- Om brukarbetaling skal innførast og på kva nivå, skal vurderast opp mot i kva grad dette påverkar graden av måloppnåing (nullvekstmålet)
- Faren for misbruk av plassen og at dei med størst behov sikrast plass er også viktige vurderingskriterier.

Finansiering og ansvar

Fylkeskommunen har det overordna ansvaret for innfartsparkeringsplassar og er ansvarleg for drifta på om lag halvparten av dei 4200 plassane som finst i Bergensområdet.

Strategien løftar det overordna og strategiske ansvaret for innfartsparkering i avtaleområdet inn i Miljøløftet-organiseringa.

Nye prosjekt vil kunne finansierast gjennom byvekstavtalen og porteføljestyrast opp mot nullvekstmålet. Kommunane innanfor avtaleområdet står framleis fritt til å sjølv etablere innfartsparkeringsanlegg basert på lokale behov, men slike tiltak fell ikkje inn under Miljøløftet si finansiering.

Sykkel

Etablering av innfartsparkeringsplassar for sykkel er eit kostnadseffektivt og lite arealkrevjande tiltak. Parkeringsplassane må etablerast tett på kollektivhaldeplassen, dei må vere sikre mot tjuveri, vær og vind, og dei må vere kopla til eksisterande og framtidig sykkelvegnett. Utfordringa er at det fram til no har vore låg etterspurnad etter sykkelparkering, men med auka satsing på sykkel kan ein forvente auka bruk av desse plassane. Gode og trygge sykkelparkeringsplassar ved kollektivhaldeplassane bør på sikt kunne avlaste dagens innfartsparkeringsplassar for bil i dei meir sentrale områda.

Vurdering

Rådmannen ser det som eit fornuftig grep å utarbeide felles strategiske føringar for heile avtaleområdet, og rår til at kommunestyret vedtek det strategiske styringsdokumentet slik det ligg føre.

Vedlegg i saken:

03.02.2022 Strategisk styringsdokument for innfartsparkering

1685765

Arkiv:

<arkivID><jpID> FE-026, TI-&01

JournalpostID:

Sakshandsamar:

Dato:

03.02.2022

Saksframlegg

Saksnr.	Utval	Møtedato
009/22	Alver formannskap	10.02.2022
020/22	Alver kommunestyre	24.02.2022

Miljøløftet – prosjekt til handlingsprogrammet 2023 - 2026

Rådmannen sitt framlegg til vedtak:

Alver kommune tilrår at følgjande prosjekt blir tatt inn i Miljøløftet sitt handlingsprogram 2023 - 2026.

- Fv5474, Seim skule, fortau/trafikksikring
- Fv5458, Ostereidet, fortau/trafikksikring i Lindsdalen
- Fv5452, Leknes, fortau/trafikksikring ved Eknes Karosseri
- Fv5452, Apalen, fortau/trafikksikring Apalen – kryss Kleivdalsvegen

Alver formannskap 10.02.2022:

Handsaming:

Rådmannen sitt framlegg vart samrøystes vedteke

FO- 009/22 innstilling:

Alver kommune tilrår at følgjande prosjekt blir tatt inn i Miljøløftet sitt handlingsprogram 2023 - 2026.

- Fv5474, Seim skule, fortau/trafikksikring
- Fv5458, Ostereidet, fortau/trafikksikring i Lindsdalen
- Fv5452, Leknes, fortau/trafikksikring ved Eknes Karosseri
- Fv5452, Apalen, fortau/trafikksikring Apalen – kryss Kleivdalsvegen

Politisk handsaming

Saka skal til innstilling i formannskapet

Saka skal avgjerast i kommunestyret

SAKSUTGREIING

Saka gjeld:

Denne saka gjeld den årlege prioriteringa av prosjekt som Alver kommune vil legge inn i Miljøløftet sitt handlingsprogram, no for perioden 2023 –2026. Framlegg til prioritering av belønningsmidlar frå Miljøløftet vil bli lagt fram i eige sak.

Organisering, prinsipp og prosess for innspel av prosjekt til Miljøløftet vart gjennomgått som bakgrunn i sak KO-066/20, som også omhandla handlingsprogrammet for 2021-2024.

I sak KO-036/21 vart det vedteke å utarbeide eit strategidokument for Alver kommune som

omtaler status, mål og strategiar og prinsipp for å nå måla i Miljøløftet. Strategidokumentet skal ha basis i kommuneplanen sin samfunnsdel. Ettersom denne planen ikkje er vedteken enno, er difor strategidokumentet for Miljøløftearbeidet utsett til seinare i år og vil danne grunnlaget for prioriteringane neste år og resten av avtaleperioden.

Bakgrunn

Alver kommune vedtok å vere med i byvekstavtalen i februar 2020. Det er nullvekstmålet for personbiltrafikk som ligg til grunn for avtalen. Gjennom avtalen vil kommunen i avtaleperioden få kr 29,5 mill i snitt til gang- og sykkelvegprosjekt langs riksveg, fylkeskommunal veg eller kommunal veg (Statsbudsjettet, post 30). I tillegg får kommunen kr 2,46 mill per år i belønningsmidlar som kan brukast på eit noko vidare omfang innan tema.

Så langt i avtaleperioden har Alver kommune mottatt nær kr 55 mill til utbygging av gang- og sykkelveg. Dette fordeler seg på følgjande prosjekt:

- Fv5308 Utbetring av Sagstadvegen g/s-veg – kr 28 mill
- Fv5476 Kvamsbrekko – kr 12 mill
- Kv1023, Kv1056 Regionsenteret Knarvik – kr 10,5 mill
- Regionsenteret Knarvik. Gangveg mellom Helsehuset og Såtabu-området – kr 4,1 mill

Kriteria innan finansiering av utbyggingsprosjekt i Miljøløftet

Staten har gitt tydelege kriteria for utløyning av dei statlege midlane til finansiering av fylkeskommunale og kommunale prosjekt gjennom Miljøløftet, ref. blant anna følgjande utdrag av informasjon frå Staten:

- *Det forutsettes at bruken avgrenses til investeringar i tiltak for kollektivtransport, sykling og gange langs fylkeskommunal og/eller kommunal vei, og at en slik prioritering vurderes som mer kostnadseffektiv/samfunnsøkonomisk lønnsom eller øker måloppnåelsen i bymiljø-/ byvekstavtalene sammenlignet med riksveitiltak.*
- *For fylkeskommunale/kommunale prosjekter som finansieres med statlige midler til programområdetiltak, dekker de statlige midlene utelukkende kostnader som påløper etter anleggsstart. Alle andre kostnader knyttet til prosjektet, som planleggings- og prosjekteringskostnader, dekkes av lokale myndigheter. Det kan skje gjennom bruk av belønningsmidler tildelt over kap. 1330, post 66, bompenger der det er aktuelt eller lokale midler. For de fleste prosjekter/tiltak vil prosjekteringskostnader utgjøre en relativt liten prosentvis andel av prosjektets samlede kostnader.*

For å kome gjennom prosessen med handlingsprogram og statleg finansiering må altså kommunane ha sørga for at det einskilde anleggsprosjekt er i reell byggefase same året som det vert lagt inn finansiering til anleggsutføringa i handlingsprogrammet. Det betyr at reguleringsplan i utgangspunktet må vere gjeldande og «fersk», grunnnerverv må vere klart og avslutta, -inkludert eventuelle ekspropriasjonar og klagefristar, og alle prosessane som tilhøyrer prosjekteringsfasen må vere ferdigstilte og byggherretilhøva må vere avklart og godkjent, inkludert avtalar/garantiar vedr eventuelle økonomiske overskridingar.

Prioritering av anleggsprosjekt 2023 -2026

Alver kommune kan hente ut kr 29,5 mill i snitt per år til aktuelle prosjekt, og det er viktig å prioritere nye prosjekt for å hente ut midlar sjølv om klargjering av prosjekta kan bli utfordrande i høve tidspunkt for omsøkt finansiering.

Etter dialog med Vestland Fylkeskommune vil rådmannen foreslå at følgjande utbyggingsprosjekt vert lagt inn som kommunen sitt investeringsframlegg i Miljøløftet sitt handlingsprogram 2023 – 2026, for godkjenning og finansiering i Statsbudsjettet for 2023:

- **Fv5474, Seim skule, fortau/trafikksikring langs fylkesvegen**, estimert kostnad 36 mill.

Strekning langs skulen og opp til forbi «Meieriet». Regulert i eldre plan.

- **Fv5458, Ostereidet, fortau/trafikksikring i Lindsdalen**, estimert kostnad 14 mill. Rekkefølgekrav i nyleg godkjent områdeplan.
- **Fv5452, Leknes, fortau/trafikksikring** ved Eknes Karosseri, estimert kostnad 6,5 mill. Strekk med manglande fortau på skulevegen til Leiknes skule. Regulert.
- **Fv5452 Apalen, fortau/trafikksikring Apalen – x Kleivdalsvegen**, estimert ufinansiert del 10 mill. Strekk med manglande fortau på skulevegen til Leiknes skule. Spleiselag mellom utbyggjarar, tilskot avsett i Lindås kommune og Miljøløftet. Reguleringsplan frå 2003.

I tillegg legg Rådmannen til grunn at tidlegare vedtekne rammer for finansiering av Sagstadvegen på kr 28 mill. vert vidareført i Handlingsprogrammet.

Staten sine krav til avklarande prosessar i det einskilde prosjekt er svært kompliserande når de gjeld å fastsette tidspunkt for gjennomføring og dermed også framlegg til budsjettering det einskilde år i budsjettperioden. Dette vert imidlertid arbeidd med og vil bli meir avklart før innsending av søknads- og budsjettframlegget via Miljøløftet no i 2022. Rådmannen vil halde Formannskapet orientert om dette.

Vurdering

Alver sitt strategidokument for Miljøløftet vil bli ferdigstilt etter at samfunnsdelen er vedtatt. Rådmannen ønskjer likevel ikkje å vente på godkjenning av strategidokumentet for å kunne spele inn nye prosjekt. Prosjekta som er tilrådd er drøfta med politisk nivå i tidlegare rulleringar av handlingsprogrammet.

Prosjektopplistinga er ambisiøs, men også naudsynt for den store tilskotsaktiviteten avtaleverket legg opp til.

Prosjekta som er tilrådd for handlingsprogrammet 2023 - 2026 ligg langs fylkeskommunal veg. Slik finansieringsordninga i Miljøløftet er bygd opp, er det Alver kommune sine Miljøløftet-midlar som må nyttast til ei utbygging om dette skal finansierast via Miljøløftet. Med unnatak av mogelege midlar i Regional transportplan, har ikkje Fylkeskommunen tilsvarende midlar som kan nyttast til dette føremålet i Alver kommune.

Det vert uansett forutsett tett samarbeid med og tilhøyrande aktivitet frå fylket si side når det gjeld juridiske prosessar, byggherrerolle og anna, noko rådmannen meiner er gjennomførbart, tross omfattande kriteria frå Staten. Formannskapet vil bli informert jamleg om vidare prosess i Miljøløftet.

Belønningsmidlar

I tillegg til dei reine anleggsmidlane på i snitt 29,5 millionar årleg, har også Alver kommune ein årleg sum på 2,46 millionar i belønningsmidlar som kan brukast på eit noko vidare omfang innan tema, mellom anna:

- Planarbeid og projektering
- Utgreiingar
- Kampanjar
- Ruteproduksjon kollektiv
- Fysisk utbygging
- Utstyr
- Tilskotsordningar

Rådmannen har utarbeidd ei førebels liste av framlegg til mogelege prosjekt og prosessar som kan inngå i potten for belønningsmidlar for 2022 og 2023 og vil kome attende til dette i eigen sak når finansiering av førebuande arbeid med dei føreslegne investeringsprosjekta i denne saka er meir avklart.

Arkiv: <arkivID><jpID> FE-601, FE-140
JournalpostID:
Sakshandsamar:
Dato: 28.01.2022

Saksframlegg

Saksnr.	Utval	Møtedato
016/22	Alver formannskap	10.02.2022
021/22	Alver kommunestyre	24.02.2022

Innkjøpsstrategi Alver kommune

Rådmannen sitt framlegg til vedtak:

Innkjøpsstrategi for Alver kommune vert vedteke.

Alver formannskap 10.02.2022:

Handsaming:

Rådmannen sitt framlegg vart samrøystes vedteke.

FO- 016/22 innstilling:

Innkjøpsstrategi for Alver kommune vert vedteke.

Politisk handsaming

Saka skal til innstilling i formannskapet

Saka skal avgjerast i kommunestyret

Bakgrunn

Det er utarbeidd framlegg til innkjøpsstrategi for Alver kommune, med prioriterte mål om felles og samordna strategiar for kommunen.

Saksopplysningar:

Strategidokumentet beskriv mål og strategiar for korleis Alver kommune skal bli ein meir profesjonell og samfunnsbevisst innkjøper. Innkjøpsstrategien skal bidra til at kommunen gjennomfører formålseffektive og samfunnsbevisste anskaffingar i tråd med gjeldande lov og regelverk om offentlege anskaffing. Strategidokumentet skal legge føringar for strategiske val på eit overordna nivå, og det vil bli utforma ein handlingsplan som skal underbygge strategien og dei konkrete tiltak i innkjøpsstrategien.

Kommunen har i arbeidet med strategien (og innkjøpsreglementet) og lagt vekt på å stø opp om antikorrupsjonsarbeidet til KS og Transparency Norge, samt intensjonane i FN's bærekraftmål.

Dersom Alver kommune ynskjer meir ambisiøse mål, må det tilførast meir ressursar til eit slik arbeid. Administrasjonen vil leggje til rette for at innkjøpsstrategien kan rullerast/vurderast i kvar valperiode, neste gong 2023-2027.

Tidlegare har alver kommune utarbeidd innkjøpsreglement og etisk reglement.

Innkjøpsreglementet skal ikkje handsamast politisk, men er eit administrativt verktøy i sjølve

prosessen knytt til innkjøp. Det etiske reglementet er det same som gjeld for politikarane, sjå [Politisk reglement/etiske retningsliner for Alver kommune](#).

Vedlegg i saken:

03.02.2022	Innkjøpsstrategi Alver kommune 2022-2025	1682046
03.02.2022	Innkjøpsstrategi Alver kommune 2022-2025	1682046

Arkiv: <arkivID><jplD>
FA-M10, FE-202, TI-
&01

JournalpostID:

Sakshandsamar:

Dato: 16.02.2022

Saksframlegg

Saksnr.	Utval	Møtedato
022/22	Alver kommunestyre	24.02.2022

Avtale mellom Alver kommune og Equinor Refining DA

Rådmannen sitt framlegg til vedtak:

«Kommunestyret vedtek kostnads- og risikofordeling der Alver kommune og Equinor refining DA deler projektkostnadene etter fordelinga i intensjonsavtalen (Alver 40%, Equinor 60%). Risikofordelinga følg intensjonsavtalen opp til 130% av projektkostnaden. For kostnader ut over 130% ber Alver kommune risikoen åleine»

Politisk handsaming

Saka har vore orientert om i lukka sak i formannskapet 10.02.22

Saka skal avgjerast i kommunestyret

Bakgrunn:

Det har over fleire år vore planlagt eit investeringsprosjekt for sikring av vassforsyning til industriområdet på Mongstad og drikkevatt for området nord i tidlegare Lindås kommune. Prosjektet har vore planlagt som eit samarbeid mellom kommunen og Equinor då begge partar har behov for sikker vassforsyning med god kapasitet. Prosjektet omhandlar overføring av vatn frå vasskjeldene Eidsvatn, Austevatn, Langavatn, og Tykkhellevatn til Sjursetvatn. Prosjektet krev konsesjon frå NVE. Denne er gjeve Lindås/Alver kommune med frist for oppstart innan 8. mars 2022. Alver kommune er byggherre for arbeida.

I oktober 2021 vart det vedteken ei intensjonsavtale mellom partane Alver kommune og Equinor. Intensjonsavtala gav overordna føringar for kostnadsfordeling og risikofordeling i projektet. Det vart gjennom avtalen lagt til grunn ei 40/60-fordeling av både risiko og kostnader ut frå partane sine behov for vatn. Alver kommune ber 40 % av kostnader og tilsvarende del av risikoen i projektet.

I desember 2021 var avtale om den same fordelinga av kostnader og risiko oppe til handsaming i kommunestyret i Alver. Ein hadde pr desember ikkje nøyaktige kostnader for arbeida, men presenterte kalkyla som var utarbeidd gjennom projekteringsfasen. Kalkyla viste ei totalramme på 111 mill nok eks mva. I tillegg vart det rekna ein usikkerhet på 15%. Det vart lagt opp til at dei nøyaktige kostnadene for projektet skulle presenterast for kommunestyret etter at anbodskonkurransen var halden. Konkurransgrunnlaget for arbeida var under utarbeiding hausten 2021 og vart lagt ut på anbod på Doffin og TED på nyåret 2022. Tilbudsfristen vart sett til 25. februar 2022.

Saksopplysninger:


Equinor Refining DA tok kontakt med Alver kommune medio desember 2021 for ei ytterlegare forhandling vedrørende risikofordeling i projektet. Equinor orienterte i eige møte i januar 2022

om manglande lønsemd over tid og eit krevande marked for raffineriet. Det vart vist til at prosjektet for industrivassforsyning har gått over 12 år og raffineriet sine behov og investeringsperspektiv har endra seg med tida. Equinor Mongstad la fram at dei treng redusere risiko med tanke på kostnadsoverskridingar. Det vart lagt fram tre ulike modellar for handtering av kostnader og risiko.

Alver kommune meldte tilbake at ei endring i dei økonomiske føresetnadene i forhold til intensjonsavtalen må handsamast politisk. Delar av prosjektet var sett i gang og det var seint å gjere endringar i vilkår pr no. Alver ville likevel vurdere modellane og risikobildet i prosjektet.

Alver kommune kjenner prosjektgrunnlaget godt og har vore gjennom fleire omprosjekteringar hausten 2021 der ein har redusert risiko i prosjektet. ¼ av prosjektet er planlagt som sjøledning der ein kjenner botntilhøva. Ein ser liten risiko med denne delen av prosjektet. På land har ein i størst mulig grad unngått trasear med kjente utfordringar som nærleik til veg, kulturminne, naturverdiar mv. Erfaringsmessig er det umogeleg å eliminere all risiko i eit byggeprosjekt. Administrasjonen meiner likevel at dette prosjektet er godt utgreidd og ein har god kjennskap til område der det er risiko for å støte på uføresette tilhøve eller at arbeidsomfanget vert større enn rekna med. Ved å legge til grunn ei usikkerheit på 30% i prosjektet vil ein ta høgde for dette.

Administrasjonen rår til at ein i dei vidare forhandlingane med Equinor kan gå inn på modellen som er vist som «Cap Equinor Cost» under. Dei andre modellane kan ikkje overførast til Alver då vi reknar projektkostnader og usikkerheit på ein annan måte enn Equinor tek utgangspunkt i her. For modellen vist som «Cap Equinor Cost» vil ein dele risiko og kostnader ut frå intensjonsavtalen opp til og med 30% overskriding. Kostnader ut over dette vil Alver bere åleine.



Forenkla kostnadsoppsett som vert lagt til grunn for risikofordelinga:

Kostnadsestimat utbyggingsprosjekt	133 mill
Interne kostnader Eq	2 mill
Manglande forskuttet beløp Eq	3 mill
Total investering	138 mill

Vurdering:

Prosjektet er godt utgreidd og administrasjonen ser det som viktig at prosjektet vert sett i gang og bygd ut med dei dimensjonane som er lagt til grunn. For Alver kommune vil dette ha stor betydning for vassforsyning, reservevassforsyning og næringsutvikling i nordre del av kommunen. Ved ei nedskalering av prosjektet (mindre rør- og pumpedimensjonar) vil det vere krevjande å auke dimensjoneringa på eit seinare tidspunkt. Dette gjeld både knytt til arbeidsomfang og kostnader. Det vil også vere knytt usikkerheit til om ein kan få innvilga

konsesjon på nytt dersom ein ikkje nyttar denne no.

Arkiv: <arkivID><jpID> FE-033, TI-&00
JournalpostID:
Sakshandsamar:
Dato: 03.02.2022

Saksframlegg

Saksnr.	Utval	Møtedato
019/22	Alver formannskap	10.02.2022
023/22	Alver kommunestyre	24.02.2022

Tittel på øvste administrative leiar i Alver kommune

Framlegg til vedtak:

Tittel på øvste administrative leiar i Alver kommune vert endra frå rådmann til kommunedirektør frå 1. mars 2022.
Rådmannen får fullmakt til å avgjere endring av tittel for assisterande rådmann frå same tidspunkt.

Alver formannskap 10.02.2022:

Handsaming:

Framlegget vart samrøystes vedteke.

FO- 019/22 innstilling:

Tittel på øvste administrative leiar i Alver kommune vert endra frå rådmann til kommunedirektør frå 1. mars 2022.
Rådmannen får fullmakt til å avgjere endring av tittel for assisterande rådmann frå same tidspunkt.

Politisk handsaming

Saka skal til innstilling i formannskapet
Saka skal avgjerast i kommunestyret

Bakgrunn

I ny kommunelov, som i hovudsak trådde i kraft ved oppstart av valperioden 2019-2023, vert tittelen kommunedirektør brukt om kommunen sin øvste administrative leiar.

Formålet med endringa av tittelen, var å sikre en god kjønnsnøytral tittel. Kommunedirektør er ikkje ein obligatorisk tittel, men departementet har oppmoda kommunane til å bruke den kjønnsnøytrale tittelen som lova brukar på kommunen sin øvste administrative leiar.

Vurdering

I utviklingssamtalen mellom rådmann og folkevalde løfta rådmannen spørsmål om å endre stillingstittel frå rådmann til kommunedirektør. I oppfølgingspunkta frå utviklingssamtalen vart ein einig om at det vert fremja sak til formannskapet og kommunestyret om å endre tittel på øvste administrative leiar i Alver kommune frå rådmann til kommunedirektør.

Sidan den nye kommunelova vart innført, har fleire og fleire kommunar vald å endre tittel på øvste administrative leiar frå rådmann til kommunedirektør. Av kommunane som høyrer til Region Nordhordland har Vaksdal, Gulen, Austrheim og Fedje endra tittel, og i Bergensregionen har Bjørnafjorden, Øygarden og Askøy endra tittel frå rådmann til

kommunedirektør.

Omgrepet kommunedirektør har etter kvart festa seg, og departementa og andre statlege organ brukar kommunedirektør når dei omtalar den øvste leiaren i kommuneadministrasjonen.

Det er difor naturleg at Alver kommune vurderer å endre tittel frå rådmann til kommunedirektør.

Ved endring av tittel frå rådmann til kommunedirektør vil det òg vere naturleg å endre tittelen for assisterande rådmann. Det vert foreslått at rådmannen får fullmakt til å endre tittel frå same tidspunkt.

Arkiv: <arkivID><jpID> FE-080
JournalpostID:
Sakshandsamar:
Dato: 16.02.2022

Saksframlegg

Saksnr.	Utval	Møtedato
003/22	Valnemnda	24.02.2022
024/22	Alver kommunestyre	24.02.2022

Søknad om fritak som meddommar i tingretten

Rådmannen sitt framlegg til vedtak:

Raymond Kårdal innvilges fritak som meddommar.

Politisk handsaming

Saka skal til innstilling i valnemnda

Saka skal avgjerast i kommunestyret

Bakgrunn

Raymond Kårdal har i e-post, datert 4.1.22, søkt fritak frå å vere meddommar:

Eg er for tida registrert meddommar og har i dei siste måneder fått innkalling til rettstjenester. Problemet mitt nå er at alle dei siste innkallingene har kollidert med arbeidsperiodene mine offshore. Jeg må søke fritak hver gang og dette begynner å bli dumt og sløsing med masse tid for tingretten som må finne erstatning for meg. Jeg ber derfor om å bli løst fra oppgaven som meddommer.

mvh Raymond Kårdal

Vurdering

Det er ikkje kommunelova som gir rammer for fritak, men Domstollova § 74:

En person kan kreve seg fritatt fra valg dersom helsetilstand eller andre særlige grunner tilsier det, eller vedkommende har vært medlem av et utvalg av lagrettemedlemmer eller meddommere i to perioder tidligere. Avgjørelse om fritak treffes av kommunen.

Konklusjonen om fritak må difor, sidan søknaden ikkje er knytt til sjukdom, baserast på skjøn – «andre særlige grunner». Rådmannen vurderar offshore arbeide som tilstrekkeleg for å søke fritak. Det er perioder mellom skifta kor det er mogeleg å delta som meddommar, men mellom uttrekning av meddommar og rettsak er tiden knapp. Det kan være krevjande å kalle inn ny meddommar i tide, dersom det søkes om fritak. Administrasjonen har rådført seg med administrasjonen i Gulating lagmannsrett, som stetter denne anbefalinga.

Frå www.domstol.no har vi henta følgjande kommentar/veiledning:

Du kan i noen tilfeller få fritak fra å være meddommer. Men dette må være avtalt med domstolen på forhånd. Du kan ikke la være å møte og i etterkant gi beskjed om hvorfor du ikke kom.

Lovlig forfall.

Dersom du har lovlig forfall kan du fritas fra å møte. Du kan ha lovlig forfall hvis oppmøte fører

til at helse eller velferd settes i fare, eller viktige oppgaver og plikter blir forsømt. Særlig lang reisetid eller -avstand mellom bosted og domstol kan også godtas som lovlig forfall. Den som gjør tjeneste i militæret eller ved høyere domstol, har også lovlig forfall. Andre offentlige verv gir som hovedregel ikke lovlig forfallsgrunn. Stort arbeidspress er normalt ikke gyldig grunn for fritak.

Søknad om fritak i den enkelte sak

Ved sykdom rett i forkant av saken må du ringe domstolen og gi beskjed. Se åpningstid og telefonnummer på [domstolens nettsted](#).

Hvis du på forhånd vil bli fritatt fra å møte i en sak, må du sende en skriftlig søknad til domstolen så snart som mulig etter at du har fått innkallingen. Du må legge ved nødvendig dokumentasjon og begrunnelse med søknaden. Slik dokumentasjon er blant annet:

- Sykdom: Legeerklæring som viser at du ikke er i stand til å tjenestegjøre.
- Reiser: Dokumentasjon på når reisen er bestilt og skal finne sted.
- Studier: Bekreftelse fra studiested om at meddommeren er student der, eksamensdato og at meddommeren er meldt opp til eksamen.
- Arbeidssituasjon: Erklæring fra arbeidsgiver, oppdragsgiver e.l. som dokumenterer konsekvenser ved fravær.
- Fødselspermisjon: Bekreftelse fra arbeidsgiver eller trygdeetat om perioden for fødselspermisjon.
- Militærtjeneste, medlem av fylkesting, tjeneste ved høyere rett: Dokumentasjon fra offentlig instans som bekrefter dette.

Meddommere som ikke er innvilget fritak fra å møte i retten og som likevel unnlater å møte, kan ilegges rettergangsbót i henhold til [domstoloven § 200](#).

Generelt fritak og sletting fra meddommerutvalget

Søknad om generelt fritak må du sende til kommunen. Gi imidlertid beskjed også til domstolen, slik at du ikke innkalles mens kommunen behandler saken.

Grunder til å søke fritak

Helsemessige forhold

Hvis den som innkalles er varig mentalt eller fysisk svekket (for eksempel svært dårlig hørsel eller syn), og derfor ute av stand til å utføre oppgaven på en god måte, må det meldes fra til domstolen om dette. Legeerklæring er normalt nødvendig for å få fritak.

Språkkunnskaper

Den som skal være meddommer må ha gode kunnskaper i norsk for å kunne følge med på det som skjer i retten. I motsatt fall må det meldes fra til domstolen om dette.

Flytting

Flytter du ut fra domssognet, må du melde fra til kommunen og legge ved bekreftelse fra folkeregisteret. Du vil da bli slettet fra utvalget.

Flytting mellom kommuner innen domssognet innebærer ikke sletting fra utvalget. Meld ifra til domstolen ved flytting innen domssognet.

Arkiv: <arkivID><jpID> FE-080
JournalpostID:
Sakshandsamar:
Dato: 16.02.2022

Saksframlegg

Saksnr.	Utval	Møtedato
007/22	Valnemnda	24.02.2022
028/22	Alver kommunestyre	24.02.2022

Fritak frå politiske verv i Alver kommune/nyval

Rådmannen sitt framlegg til vedtak:

Som nytt medlem i utval for helse og omsorg veljas:

Som nytt medlem i valnemnda veljas:....

Som nytt varamedlem i valnemnda veljas:.... (kun om det vert opprykk)

Som nytt varamedlem i RMNF veljas:

Politisk handsaming

Saka skal til innstilling i valnemnda

Saka skal avgjerast i kommunestyret

Bakgrunn

Henrik Weber (Rødt) har i e-post varsla oss om at han flytter frå Alver kommune per 21.12.21.

Vurdering

Lova seier at kun personar som er innført i folkeregisteret som busett i kommunen er valgbar. Når desse flytter til annen kommune, er dei ikkje lenger valgbar og mister automatisk vervet.

Det veljast ikkje nytt medlem til kommunestyret, her er det direkte opprykk for vara, som vert nytt fast medlem. Til andre råd og utval skal det gjerast val i tråd med kommunelova § 7-10. Kommunestyret vurderar og veljar nye varamedlemmer til utvala, etter innstilling frå valnemnda.

Kommuneloven:

§ 7-2. Valgbarhet og plikt til å ta imot valg

....En person er valgbar og plikter å ta imot valg hvis følgende vilkår er oppfylt:

b) Han eller hun er innført i folkeregisteret som bosatt i kommunen eller i en av kommunene i fylket på tidspunktet for det aktuelle valget.

§ 7-10.Opprykk, nyvalg og suppleringsvalg

.....Hvis medlemmer av kommunestyret eller fylkestinget trer endelig ut, og de er valgt ved forholdsvalg, skal varamedlemmer fra samme liste tre inn i deres sted i den

nummerordenen varamedlemmene er valgt. Hvis medlemmer av kommunestyret trer endelig ut, og de er valgt ved flertallsvalg, skal varamedlemmer tre inn i den nummerordenen de er valgt.

Hvis et medlem eller varamedlem av et annet folkevalgt organ enn kommunestyre, fylkesting, kommunestyrekomité eller fylkestingskomité trer endelig ut, skal det velges et nytt medlem eller varamedlem. Det nye medlemmet skal velges fra den samme gruppen som det uttredende medlemmet tilhørte. Hvis dette vil føre til at ett kjønn vil bli representert med mindre enn 40 prosent av medlemmene i organet, skal det, hvis det er mulig, velges et nytt medlem fra det underrepresenterte kjønn.

Hendrik Weber har hatt følgende politiske verv i Alver kommune:

Medlem kommunestyret

- 1.vara Belinda Zalewski (hun har ingen andre verv – søker fritak i anna sak)
- 2.vara Alexander Helle
- 3.vara Toril Mongstad
- 4.vara Haakon Aase

Medlem utval for helse og omsorg

- 1.vara Toril Mongstad
- 2.vara Alexander Helle
- 3.vara Haakon Aase

Medlem valnemnda, vara Toril Mongstad

Vara for RMNF (medlem Sølvi Knudsen og Else Marie Dale)

- 1.vara Roy Bø
- 2.vara Hendrik Weber
- 3.vara Anne Grete Eide

Arkiv: <arkivID><jpID> FE-033
JournalpostID:
Sakshandsamar:
Dato: 14.02.2022

Saksframlegg

Saksnr.	Utval	Møtedato
029/22	Alver kommunestyre	24.02.2022

Melding/orientering til kommunestyret 24.02.2022

Rådmannen sitt framlegg til vedtak:

Meldinga vert teke til orientering.

Politisk handsaming

Saka skal avgjerast i kommunestyret

Meldingar/orienteringar:

- Referat frå representantskapsmøte NGIR 25.10.2021, vedlegg
- Årsmelding 2021 – Miljøretta helsevern Nordhordland og Gulen, vedlegg
- Protokoll representantskapsmøte IKT Nordhordland 01.12.2021, vedlegg
- Oppdrag om bevaring av verdifull natur i kategori nasjonalpark, vedlegg
- Prosess med mogleg ny nasjonalpark – Alver og Masfjorden kommunar – orientering ved Statsforvaltaren

Vedlegg i saken:

14.02.2022	Referat frå representantskapsmøte i NGIR 25.10.2021	1690634
14.02.2022	Årsmelding 2021 - Miljøretta helsevern Nordhordland og Gulen	1690636
14.02.2022	Protokoll frå representantskapsmøte i IKT Nordhordland 01.12.2021	1690648
17.02.2022	Oppdrag om bevaring av verdifull natur i kategori nasjonalpark	1693246

Arkiv: <arkivID><jplID> FE-033, HistSak-14/3748
JournalpostID:
Sakshandsamar:
Dato: 15.02.2022

Saksframlegg

Saksnr.	Utval	Møtedato
030/22	Alver kommunestyre	24.02.2022

Spørsmål/interpellasjonar 24.02.2022

Vedlegg i saken:

17.01.2022	Grunngjeve spørsmål	1675088
17.01.2022	Sykehjemsplasser	1675093
17.02.2022	Grunngitt spm om Forvaltningsplan og fagråd for Mjåtveitvassdraget	1692678
17.02.2022	Grunngitt spørsmål om avlusingspraksis og utslepp av avlusingsvatn i fjordane våre.	1692679
17.02.2022	Grunngitt spørsmål om avlusingspraksis av oppdrettslaks i Mangerfjorden	1692684